

Хурмат бусса лакрал жямат, барча зул Цусса шин!

БАЯН: хъиривмур номер буккантиссар январьданул 10-нний.



ИЛЧИ

№48
(2266)

27 ДЕКАБРЬ 2024 ш.

РЕСПУБЛИКАЛУЛ ЖЯМАТИЙССА ВА СИЯСИЙССА ККАЗИТ

Кказит буклай бивкссар 1917 ш.
Цунил итабаклан бивкссар 1991 ш.

Сергей Меликовлул бартбивгъунни оьрчIал хияллу



2 лаж.

Декабрьданул 25-нний Дагъусттаннал бакIчи Сергей Меликовлул дачин дунни хъинсса абдат – мюрши оьрчIал мурадру бартбигъаву.

Абдулмуслим Абдулмуслимов: «ОьрчIрув, лахьлахьияра зула ниттил маз!»



2 лаж.

ДР-лул ХIукуматрал хъунама Абдулмуслим Абдулмуслимов Лакрал театрданул «Ниттил хъу» спектакльданий

Буттал КIантул маданият ва магьирлугъ хъхьичIуннай даврил ххуллий чIярусса шиннардий бусса захIматрахлу ДР-лул культуралул министр Зарема Буттаеван ттигъанну дуллунни Аьрасатнал культуралул лайкь хъусса зузалал ца.

Барча буллай буру



Зарема Буттаева Республикалул культуралул министрну зий бур 2013-ку шиная шинмай. Ва чIумул манзилданий Зарема Буттаевал каялувшиндаралу дузрайн бивккунни чIярусса проекту.

Хъуннасса къулагъас дуллай бур Зарема Буттаева Лакрал ва Ккулал районнал магьирлугъ-рал идарартгаху.

«Илчи» кказитрал зузалтрал ва буккултрал цIанияту даКI-нийхтуну барча дуллай Зарема Буттаевахъ ва ларайсса ца, чIа тIий буру ттигу чIярусса шиннардий ва ведомствалий каялувшиву дуллансса цIуллушиву, давриву тIайлабацIу, талихI ва тирхханну.

«Илчи» кказитрал редакция

ХХИРАССА, МУДАНГУ ХIУРМАТ БУССА ЛАКРАЛ АГЪАЛИЙ, «ИЛЧИ» ККАЗИТРАЛ БУККУЛТ!

ТIайла дуклай буру 2024-ку шин – чIяруссанна ва личIантIиссар даКIурдиву ца яла тIайлабацIулуд, бахтти-талихIрал, тирхханнарал, ххаришиврул, даКIнийсса хияллу бартлагаврил шинну.

КъурчIишивурттугу чансса кьархъунни, вай лялиян дувансса цIуллушиву ва ссавургу Аллагънал дуллуннав!

ДаКIнийхтуну барча буллай ура ялун нанисса 2025-ку шинашал чувшиврулгу, яхIиралгу, аснамуралгу бувчхусса, дунияллийх Iама бивхусса лакрал арсу ва душру!

Ча тIий ура зун цакъсса цIуллушиву, тIайлабацIу, ра-

хIатшиву. Зу чIумул хъяврин кьабаннав. Зул ужагъирттайн Цусса 2025-ку шин духханнав барачатрашал, гъилишиврушал, паракъатшиврушал, чIярусса ххаришивуртташал.

2025-ку шин дучIайхту, лавай бивзун, пахъбагъаврийну даКIнин бичинну Чувшиврул ттугъилилу жанну дуллусса язисса лакрал арсу. – Вирттаван бивкIу бакъассар, ми кIура баяйссар аьламрал чанна цIурттайн...

Цусса 2025 шинал Лакку билаятту, ниттил мазрахсса ччавугу, бюхттулсса тариху, жула ас ва намусгу тIутIайх бичиннав.

Зул даКIнийсса мурадру бартлаганнав.

Шалласу ШАЛЛАСУЕВ

Цаппара гьантрал хьхьичИ ва гуртту хьуссия Москавлив ПаччахИлугьрал Советрал заседаниялий. Ва дайдишин хьхьичИ Шалагу Аьрасатнал «СихИрданул елкалия» бучИан буну бур оьрчал хияллашласса цаппара шарду. Миннвух бартбивгьуну бур Запорожскал областьярасса Плодородное шьярасса 7 шинавусса Кристина Пучковал мурадгу.

Хякьину тГурча, Чавасса 6 хиялчинал ларсунни региондалул бакИчинаясса цала бахшишу.

Миннвух бур 15 шинавусса Ирада Ханова – «Растущие надежды» номинациялий Дунияллул халкьуннал дянивсса «Филантроп» премиялул лауреат, «Шаг навстречу» ва «Ангел и я» тИсса шалагу Дунияллул творчествовалу фестивалданий ххув хьумур, «Имена России» тИсса Дунияллул халкьуннал дянивс-

Сергей Меликовлул бартбивгьунни оьрчал хияллу



са фестивалданул 1-мур даражалул лауреат, «Движение Первых» тИсса шалагу Аьрасатнал ва регионал проектирал гурт-

тучи. Мунин Сергей Меликовлул дуллунни акустикалул система – музыкалул колонка ва микрофон. Душил, микку балайгу куну, республикалул бакИчинал буллунни, хьун бакьасса, цила канил бувсса ссайгьат.

Ххунзахьял райондалиясса 7 шинавусса Индухова Залмун дуллунни смарт-ссят. Ванил ххассал увссар, микИ гьавгьун, микИралу ливчИсса оьрчи.

Бахшиш дуллунни ххассал увсса Пирбудагь Жамалуттиновлулгу. Мунангу, хасьсса дяввилул операциялул гурттучинал арс Камал Салиховлулгу дуллунни аькьлу бусса колонка «Алиса».

Сергей Меликовлул бартбивгьунни 6 шинавусса ХИамза

Аьлиевлул мурадгу, ванал хиял бия шведская стенка. Му бучИан бантИий бур шаппайн. Даниял Дандамаевлул мурадгу бартлавгунни, ва шьявкИунни цанна дуллусса цусса велосипедрай.

«Барчаллагь укун виричусса, сивсусса, пагьму-гьунар бусса, хьинсса ва аькьлу бусса оьрчу тарбия буллалисса циняв ниттихьан ва буттахьан. Вингу барчаллагь, Дякьил Ттаттай ва Марххала душ: зул дур кьабигьасса даву – оьрчу барча баву. Жула оьрчу барча баву ххарисса ишири, цанчирча вай яла ххаллиммири!» – увкунни Сергей Меликовлул.

ХИадур бувссар ХИ. АЬДИЛОВЛУЛ

Аьбдулмуслим Аьбдулмуслимов: «Оьрчурув, лахьлахьияра зула ниттил маз!»

«Чунмай бишурчагу оьрмулул щатИив, жула муруллачИан ва ниттил мазрачИанну буцинтИисса миннул жува»

Оьруснал театрданул чИивимур Залдану хьунни ДР-лул ХИкуматрал хьунама Аьбдулмуслим Аьбдулмуслимовлул республикалул гьарца шагьурдаясса ва районнаясса хьхьичИунну дуклакисса оьрчашалсса хьунаавкьаву.

Ваний гуртту хьунни «Ученик года» конкурсай ва личИличИисса олимпиадарттай ххув хьусса дуклаки оьрчуру – сайки 300 оьрчи.

Оьрчашал аьла-ссаламгу буну, Аьбдулмуслим Аьбдулмуслимовлул кишИ лавгунни, залдану душиву цала гьунаргу, бюхьугу, хьхьичИунсса кИулушувурттугу ккаккан дурсса жагьилсса ник, цалгу Аьрасатнал лагурийсса личИ-личИисса творческий конкурсиртай, олимпиадарттай ва цаймигу бяст-ччаллай жула республика лайкьну ккаккан дуллалисса. Вайннавасса цаппарасаннал царду кишИ дунни цайминнан эбратран.

«РяхИалва билаятрассса ва Аьрасатнал 88 региондалиясса 500 азара дуклаки оьрчи гуртту хьусса «Живая классика» тИсса Дунияллул халкьуннал дянивсса чIава шеьрирду буккултрал конкурсрал суперфиналданий ххув хьусса Цуссакуллал 2-мур школарул дуклаки оьрчи Сиражуттин АХИмадханов.

«Золотое сечение» тИсса Дунияллул халкьуннал дянивсса театрал магьирлуьгьрал фестивалконкурсай ххув хьусса Республикалул Многопрофильный лицейрал дуклаки оьрчи Мурад Исмиев.

«Большая перемена» тИсса шалагу Аьрасатнал конкурсай ххув хьусса «Движение Первых» тИсса ккурандалул СКФО-лул лидер Ульяна Артемчук. ДакИнин дирчунни ГИА-лул цаппарасса ХИасиллугу, 50 оьрчал лавсун бур 100 балл.

Азарунниха ливчусса итхьявхьсса оьрчуру лавсун бур хьхьичИунсса бюхьу бусса инсантурал паччахИлугьрал информационный сурсатравун, 1146 выпускникнал ларсун дур мусил медальду, 826 выпускникнал – арцулсса.

«КишИ дурсса ХИасиллу, хьхьичИва-хьхьичИ – зул хIарачатри, зул оьрмулул хIуччар, зул виваллил дуниялли. На барчаллагьрай ура зул дуккавирхьсса ХИурматрахлу, бацIаву дакьасса захИматрахлу, гьавасрахлу. Зул хьхьичИуннайшивуртту – кулпатиртгансса ка-кумагри. Чулий кьабавИуну, жяматрал оьрмулуву чялишсса гурттушинна дуллаи бушиву – багьа бишун кьашайсса давур. Жяматран учИисса инсан ххуулияту кьауккантИиссар, цанчирча му, оьна акьа, ссахух-унугу лав-

гун уну тИий», – увкунни премьер-министрнал. Аьбдулмуслим Аьбдулмуслимовлул кишИ лавгунни хIакьину республикалул школардай дуклай, бушиву 482 азарунниха ливчусса оьрчуру, ва аьдадгу шинна шинайн лахь хьанай душиву.

МуницИун бавХИуну чялишну шуруй буссар республикалул ва федерал лагрулул проекту: «Цифровая образовательная среда», «Успех каждого ребенка», «Современная школа», «Образование» миллатрал проекрал подпроект «Профессионалитет».

Премьер-министрнал барчаллагь увкунни дуклаки оьрчIахь хасьсса аьралий операциялун посылкартту, окопирттаву лахьайсса майлул чирахьру, маскировочный сеткарду ва чаьгарду тIайла буклай бушиврухлу.

«ХьхьичИ ххуттай талатисса саллатИтал ва хIаписартал янил жавьгарду кунма ябуллаи буссар зюясса чаьгарду», – увкунни Аьбдулмуслим Аьбдулмуслимовлул.

«Махьсса чIумал хIисав хьанай бур ттул чIунархIалултурал итталу бакьашиву учительнал пиша. Цир бантИисса, зул пикрилий, учительнал пишалул сий цIунилгу гьаз дуваншиврул?» – укунсса суал буллунни 11-мур классрал дуклаки оьрчи МаХИаммад Жаватхановлул.

«Учитель – инсаннан кIулушиву

дуллалисса, мунал хасият цалий дацИан дуллалисса инсанни. Мунийн буну, учительнал пиша ттучIа яла кьимат бюхттулмурди. На чИивисса чIумал гьарцаннан ччай бия дуклан уххан ягу мединститутравун ягу пединститутравун. Амма махьсса шинардий сийлуву цайми пишарду бур. Мунин кьабурвугун, учитель гьарзаманнай аьркинсса пишари», – жаваб дуллунни премьер-министрнал.

Учительнал пишалул сий ларай дансса чаранну ляхьлай бушивугу бувсунни Дагьусттаннал каялувчиталгу, Аьрасатнал бакИ дургьумигу.

«Учительтурал цала потенциал хьхьичИунмай баншиврул, оьрчал кIулушиву ласланшиврул, буллаи буссар ттизаманнул тIалавшиннардацИун бавкьусса цусса школарду. Вай бавриву Дагьусттан Аьрасатнаву бухлай буссар цалчинсса 10-нниун. Шинал бакИрах жула республикалий тIитIлай буссар 10-ксса школарду.

Дагьусттаннай бур 1407 школа, вайннува 60% бия кьаххуйсса тагьарданий. Учителталгу мукунсса школардая лаглай бия. Амма хIакьину учительтуран даврин кьулайсса шартIирдашласса школарду буллаи буссар жучIава», – увкунни премьер-министрнал.

Дуклаки оьрчашалсса жаплиду Аьбдулмуслим Аьбдулмуслимовлул вайннан маслихат бунни ккалан дагьусттаннал литературалул классика ва ниттил мазурдийсса луттирду.

«Ххирасса оьрчурув! Дагьусттаннал ялун бучИантИимур! Зун кIулу бикИан аьркинссар зула ниттил маз! Билаятрал аьглинашласса тIайланнасса эфирданий Аьрасатнал президент Владимир Путиннул зумух ларсунни «Аьрасатнал паччахИлугьрал суверенитет» тИсса калима. Агарда жунма, аьрасатлувтуран, кьакулулу бухьурча оьрус маз, Аьрасатнал халкьуннал тарих, оьруснал магьирлуьгь жула цукунчIавасса суверенитет кьадиклантИиссар. Мува куцуй Дагьусттаннал гьарца миллатралгу. ТIайлаассар, жулла дур аьмсса культура, амма гьарца миллатрал дуссар цила ранг. Жула дагьусттаннал культура аьрасатнал культулалул биялайиуну ларай хьуссар. Чунмай бишурчагу оьрмулул щатИив, жула муруллачИан ва ниттил мазрачИанну миннул жува буцинтИисса», – увкунни Аьбдулмуслим Аьбдулмуслимовлул.

Вице-премьер Муслим Телякавовлулун ва кIулушиву дулаврил министр ЯХИЯ Бучаевлулун тапшур бунни оьрчал ниттил мазурдил дарсру лахьхьавирхьсса кьулагьас ххи дуван.

Хьирив Республикалул ХИукуматрал хьунаманал ва министртурал дуклаки оьрчашал архIал ххал бунни Лакрал театрданул бивхьусса Чингиз Айтматовлул кьиссалиясса «Ниттил хьу» тИсса спектакль.

Ва хьуниминнангума буруган захИатсса спектакль гьирарай ххал бунни дуклаки оьрчал.

Зулайхат ТАХАКЬАЕВА

Оьрчуру ххари баврийну жувагу ххари хьанай

Ростехнадзорданул Кьавкка-зулал управлениялул хьунаманал хьиривчу Артур Амутиновлул пачИанма оьвкуну, гьашину ххари бунни МаХИаммадова Аьшурат ва ванил арс ва душ.

Хандулаев МаХИаммадлул 11 шин дур, ванан ххирар музыкагу, велосипедрай ссур буллангу. Цувагу, цIулулу-сагьшиврул цIакьсса акьа, хасьсса школалий дуклай ур. Ххюра шинавусса ссин, Фатиман, ххирар музыкагу, суратру дихьлангу. Уссин кунма, ванингу ххи-



рар велосипедрай бигьлан, вагу, МаХИаммад кунма, ххуйсса велосипедрал залу хьун хияллай бивкИун бур. Вайннал хияллу бартлаган кабакьу бунни Артур Амутиновлул, ххуйсса велосипедру пишкаш дурну. Чяйлухун хаварду бувсун, яхши-хаш буну махь, МаХИаммадлул ва Фатимал ххари-шадну Артур Амутиновлул кабинетравува 2 нигьирай транспортрал хIал кьавккунни. «Ва «Мурадирал Елка» акциялуву гуртту шаврийну, оьрчуру ххари баврийну жува ххари хьунсса хIалу

дагьлай дур. Оьрчуру ссавур дакьа ялуьгьлан бикИай Цушинал байран дучIаврих, вайннал хияллу дузрайн буккан баву, вайннал дакИурдиву ххуймунийнсса вихшала цIакь дувавур. Ххуймур асар кьавхьуну кьабикИайссар, ххуймунил, хьинбаларттал мудангу цаймигу хьиншивуртту ялун личин дуллалиссар. Коллегахьашал архIал ва акциялуву чИив-хьунсса бутIа бишаврийар бусравсса ци дикIанссар, хьинну гьирарай гуртту шара», – тИий ур Артур Амутинов. Ххи банна, ва акциялуву Артур Амутинов гьаршинах гуртту шайшивугу.

Патимат РАМАЗАНОВА

Владимир Путиннушалса шинал хласиллу

Декабрьданул 19-нний Москваулал Гостинный двордану Аьрасатнал Президент Владимир Путиннул тИайланнасса эфирданий дунни шинал хласиллу ва жавабру дуллунни журналистурал ва билаятрал ялапарлутурал буллуса суаллахьхун.

«Владимир Путиннушалса Шинал хласиллу» программалул дачин дурну бия 1-мур каналданул аьралий корреспондент Дмитрий Кульков ва ВГТРК-лул ведущая Александра Суворова.

Мероприятие дайдишин хьхьичИ агьалинаяту дуркIун дур 2,5 млн лабизаву.

А.Суворова: ХьхьичИ ттун ччай бур цалчинмур аьмсса суал булун жула чулухату.

Цанасса ппурттуву дунял аькьулия лаглагисса кунмасса асарду бур, цанчирча дяьвирдал потенциал (каширду) дуняллул циняв кIанттурдай лапва гьарза хьуну бур, дуняллул экономикагу захIматсса тагьардану бур.

Цукун бюхьлай бур Аьрасатнаша му тагьардану, экономика сахлагу дурну, лябуккугу хьун буллан?

В.Путин: Гьарзат паракьатну, цила кьаралданий, цалий дарцIуну духьурча, жува бизарну бикIару. Ца кIанай дарцIуну духьурча, ччан дикIай сукку тIаву, хьхьичIуннашивуртту.

Гьармунил дуцин дайссар экономикалийн чул бившуну. Мури гьармунил гьану, мунийни хьарну бусса инсантурал оьрмулул даражагу, билаятрал обороналул бюхьугу.

Аьмну жучIара, Аьрасатнаву, экономикалул тагьар нормалий, цалий дарцIуну бур. Жува хьхьичIунмай хьанайру бусса, ссахчIавгу кьабурвугун.

Ларгмур шинал жучIара экономика лахь хьуссар 3,6 процентрал, гьашину лахь хьунтIий дур 3,9 процентрал, бюхьай хIатта 4 процентралгума хьун. Буруган аьркинни, цанчирча шинал хIасиллу иширайну хIисав дайссар хьиривмур шинал 1-мур кварталданий. КIира шинал мутталий экономика лахь хьуну дур 8 процентрал, му мукун бушиву исват буллай бур эксперттуралгу. Штатирттай - 5-6 процентрал, Еврозоналий - 1 процентрал, Германиянаву - ноль.

Дуняллул халкьуннал дянивсса финансирттал ва экономикалул институтирттал Аьрасат бивхьуну бур Европанаву цалчинмур кIанай экономикалул лагру ва маша бан бюхьаву хIисаврайн ларсун. Дуняллий жува буру 4-мур кIанай. Жула хьхьичИ бур Китай, США, Индия. Жува дукIу ФРГ-лул хьхьичIун бивккун буру, гьашину Япониягу махь кьабитан най буру. Амма мунийну жува паракьат хьун кьаьркинссар. Жува аьркинссар ва бушилий бачин хьхьичIунмайгу, даххана дуллан жула экономикалул качествагу.

Цаймигу ккаккиартту дур жучIара хьинчулий. Циняв билаятирттан ва экономикалул хасьсса ккаккия хьанай дур да-



вуртту дакьашиврул даража. Му ккаккия жучIара хьинну лагьсса даражалый дур - 2,3 процент. Укунсса даражалый тачIав кьадиркIссар.

ЖучIара промышленность-рал цаппара бутIраву хьус дуккан даву лахь хьуну дур 4,4 процентрал, занакьулу даврил промышленность - 8,1 процентрал.

Гьалбатта, вас-щах буллатисса сигнал хьанай дур инфляция. На лахьхьу гьалгьа бувссия Центробанкрал председатель Эльвира Набиуллинашал, ванил бусаврийну, инфляция хьуну дур 9,2-9,3 процентрал. Амма харжругу лахь хьуссар 9 процентрал, инфляция кьахIисавну. Агьалинал доходругу гьарза хьуссар. Мунийн буну, аьмну ва тагьар вихшала дишинну цалий дарцIуну дуссар.

ХIукуматрал ва Централ банкрал хIарачат буллай бур ялун нанисса шинал инфляция яларай дуван. ЛичИ-личИсса кьаматирттайн буну, инфляция чан хьунтIий дур 2,5 процентрал.

А. Суворова: Тема хьинну агьамсса дур. Яла чIаруми лабизавуртту дур ччатI, чавахь, накI, ккунуку, лагаву ххира шаврицIунсса, ххира хьуну дур мукунна ччуччиягу. Росстатрал статистикалийн буну, махьсса нюжмардий ахьулссанул ва ахьнилссаннул багьригу лахь хьуну бур 3,4 процентрал, миннува нисварти ххира хьуну бур 10 процентрал, ноябрьданий 43 процентрал ххира хьуну бивкIунугу.

В.Путин: Багьри ххира шаврил хIакьираву, шикку дур объективсса ва субъективсса журалул сававрду.

Яла агьаммур зат вари: рынокрайсса хьус дикIан аьркинссар агьалинал дохидиртгашал архIалсса, ягу агьалинал дохиду дикIан аьркинссар билаятрай дуккан дуллалисса хьуслишал архIалсса. ЖучIара дохидру ва харжругу лахь хьанай бивкIссар дуккан дайсса хьуснияр анаварсса бушилий.

Цанасса ппурттуву жучIара муданна гьарза хьанай дур дукьялул сурсатру (продукты) гьар шинах - шанма процентрал. Жува дикIул шаллу буллай буссару 100 процентрал. Ва хьинсса ккаккияр. ЖучIара шинай ца инсаннал ишла дуллай ур сайки - (приблизительно) 80 кило дикIул, дуняллий тIурча - 42 кило, дянивну ларсун. Махьсса ппурттуву жучIара дикI ишла даву гьарза хьуну дур кIийлла.

НакIлил хIакьираву. Гьарца шинах жучIара накI ласаву гьарза хьанай дур, амма накI ишлагу дуллай бур чIарусса. НакI диял хьанай дакьар лагаву дуккан дуван уксса. Ттун кIулли, лагаву ххира хьанай душиву 34 процентрал, цаппара регионалий бюхьай чансса ххишалагу лахь хьанай бикIан багьри.

Дукьялул сурсатру ишла дуллалаву гьарзану дур дуккан дуллалиннуяр.

КIилчинмур объективсса савав - бакIлахьру дур.

Шамилчинмур объективсса савав - цаппара дукьялул сурсатирттал багьри дуняллий лахь шавур.

Сурсатирттал багьри лахь шаврин асар биян буллалиссар дазул кьатIатусса сеуссукушивуртталгу, санкциярдалгу.

Амма дур субъективсса сававрттугу, дур жула чулухами диялдакьашивурттугу. Масалдаран, цаппара эксперттурал тIимунийну, Централ банкрасса бюхьан тIий бивкIун бур чансса хьхьичIва мюнпатну ишла дуллан ключевой ставка лахь бавришал дахIаву дакьасса мухIлухIинну (инструменту). Ди, ЦБ-рал му даву дуллай байбихьуна гьинттула. Амма, эксперттурал тIутIисса куцуй, му даву ччянира дуллан бивкIун бур.

ТАСС-рал хьунама редактор М. Петровлул буллунни хасьсса аьралий операциялул хIакьиравусса суал.

В.Путин: Жула аьралитурал жулла аьрши зана дуллай бур квадрат километрдал манзил-

лайну гьарца кьини. Цанни му хьанакьисса?

Му дур дяьвилул иширттал классика, бакIрай муттаэтал жула чулийнмай най бур, яла жула аьралитурал бухлаган буллай бур миннал аьралиталгу, техникагу. Яла жула аьрал цивппа най бур хьхьичIунмай. Мукунни хьанакьисса. Жува хьхьичIунмай наниссару хасьсса аьралий операциялул байбихьулийва жува ккаккан буну бивкIсса масьалартту биттур буллан.

Жула аьралитал талай бур виртталну. Жула Ярагьбу Гужирдал бюхьу лахь хьанай бур. Цанасса ппурттуву 155-мур хьхирил бахьтгаьгалтрал бригада талай бур Курскаллал областьрай, миннал муттаэтал дардагьил буллай бур жула аьрщараяту. Миннашал архIал талай бур мукунма ЛухIи хьхьирил флотрал хьхьирил бахьтгаьгалтрал 810-мур бригадагу, ВДВ-лул 76-мур ва 106-мур дивизияртту, «Север» группировкалул мотострелоктал ва мотопехота. Ми циняв талай бур виртталну. Ча учинну миннан ххувшаву ва шаппай зана шаву.

Дур цамургу лабизаву: «Курскаллал областьрай контрактникуран дулайсса дур 25 азарда кьуруш, Обороналул министерствалул контрактрай 210 азарда кьуруш дулун бакIрайн лавсун бунува».

Му тагьар тIайла дацIан дуван бюхьантIиссарив?

В.Путин: БюхьантIиссар ва аьркинссар. Му жула диялдакьашивур. Му ттун кьакIулссия. Ттун бивчIлай бур ихтилат ссаьту буссарив. На багьшла итияра, му тагьар тIайла дацIан дувану.

А.Руденко «Донецк» ГТРК-лул каялувчи:

Шала Донбассрай, Херсонскаллал, Запорожскаллал областирдай най дур леркьмур, эяллу цIу дуккан дуллалисса давуртту. Амма жучIава дяьвилул ишруттигу кьуртал хьуну бакьар, жува най буру хьхьичIунмай,

душмантал духлаган дуллай бур шяраваллу. БюхьантIиссарив жушара ччаннай дацIан дуван махьуннай зана дурсса жухьра диркIсса аьршив?

В.Путин: БюхьантIиссар, микку шак бикIан кьабюхьайссар. ЖучIара дуссар ми территорияртту, уттава буккангу буну, лябуккангу бунансса программа. Му бартидигьин ккаккан буну буссар 2030-ку шинайнин.

Микку давуртту дуллай буссар. Цу буккан бантIиссар ххулурду, кьатри, ЖКХ-лул ва соцкультбытрал объекту.

Цанасса ппурттуву цIу буккан буну бур 21 азарва объект, миннува 11 азарва объект федерал бюджетрал счетрайну ва 10 азарва объект - АьФ-лул шефшиврийсса регионал счетрайну.

СМС дуркIун дур, Мариупольла хьаматран леркьминнухлу кьатри даврил хIакьираву.

В.Путин: Мариупольлах жура хьуннасса кьулагьас дуллай буссару. Му хьунмасса шагьрур, кьулагьасгу дуллан аьркинссар. Аьралий ишру байбихьиннинма тикку ялапар хьанай ивкIссар 430 азараксса инсан. КIанттул каялувчитурал тIимунийну, тикку ялапар хьанай бивкIун бур 470 азаруннаха ливчусса инсантал. Бюхьайссар тикку дикIан чIявуквартирарду бусса 3 азаллийсса кьатри. На тиккун ивссара, ХIукуматрал зузалтралгу буслай бур муданма. Сайки 1700 кьатри цIу дуккан дурну дур, амма миннуван халкь бизан буну бакьар. 500-нниха ливчусса кьатрал документу дузал буллай бур.

К.Симонс: Ина ияв Украина рязи хьун аьркинссар ца мукьуйн бучIан тIий. Инава рязину урав Киеврал хIакьираву ца мукьуйн учIан (компромисс) Бюхьайссарив Трамп дянивчусса машварартту хьун?

В.Путин: Политика дур компромиссрал магьиршиву. Жу муданма буру, жу хIадурссару машварарттайн ва ца мукьуйн бучIан, тIий. Жуйн кьаршимур чул инкар хьунни машварарттая. Машварарттал хIасиллуну муданма шайссар ца мукьуйн бучIаву, цаннашал ца бакьаву.

Иширайну жу цалийн бивкIун бивкIссарухха Стамбуллай 2022-ку шинал. На утти 100-чингу тикрал буллай ура: Украиннал чул рязину бивкIссар га документрал мурадращал. Яла циваннив кьакIулу, инкар хьуссия. Цанчирча увкIуна зул чIарахацIу Джонсон ва ганал увкуна, дяьви буван аьркинссар махьа-махьсса украинчу личIаннин. Вана тай уттигу талайнма. Чал кьавхьуну кьуртал хьунтIиссар талан ччисса украин. Ттул пикрилий, чал кьавхьуну, талан ччими кьаличIанссар.

Жу хIадурссару, амма аьркинссар та чулгу хIадурну бикIан машварарттайн ва цалийн бучIаврийн.

ХIадур буссар
ХI. АЬДИЛОВЛУЛ

Жула Роствардия

Шинал хІасиллу дунни

Дагъусттаннал Роствардиялул управлениялий хьунни кІанттул Дорганналул хьунаманан кІанайсса полковник Антон Зуевлул пресс-конференция. Ванал дунни Управлениялул подразделениярттал шинал лажиндарайсса хІасиллу.



Антон Зуев

ХІаписарнал бусласимунийн бувну, кІанттул управлениялул подразделениярттал федерал органнал зузалтрасал хІалагьурттуну регионалий 3 азарунния ливчусса бигарду бартбивгьуну бур. Управлениялул зузалтрал мукунма бартбивгьуну бур чІявусса инсантал бавтІсса мероприятиярттай (Абрасатнал президентнал бувчІавурттай, культуралул, спортрал мероприятиярттай, диндалул ва цаймигу байраннай) жяматийсса низам ва мюхчаншиву дуруччаву мурадрайсса 2 азаруннийн бивсса бигарду.

Терроризмалушал талатаврил ххулий МахІачкьалаллал соединениялушал ва Дагъусттаннал Виваллил иширттал министерствалул подразделениярттасал бартбивгьуну бур 1400-нния ливчусса бигарду. ФСБ-лул дазул управлениялул, МВД-лул линейный управлениялул шал ва Росрыболовствалул Ухсавнил Ккавказуллал кІанттул управлениялул шал чІа хьуннасса даву дурну дур Каспий хьхирий, Терек ва Сулак нехардий закондалуцІун кьабавкьуну шинал луртанну дуккаврин ххулулу кьубкин. Ва ххулий дуресса даврил хІасиллайн бувну, тахсиркаршиврий шак багьлай увгьуну ур 19 инсан, административ жавабрайн увцуну ур 874 инсан, зевххуну бур закондалу ххуттава бувккун балугь бугьлабиний ишла буллаллисса 764 ярагь ва 11 тонна балугьрал.

Полковникнал бувсунни шинал дянив вневедомственный кьаралданул ва ЛРР-данул (лицензионно-разрешительной работы) подразделениярттал дурмуния.

Вневедомственный кьаралданул зузалтрал бурувччуну бур 4 азарунния ливчусса объектру, инсантал ялапар хьанахьисса ва миннал хьус дусса кІантурду, автотранспорт.

Лицензияртту ва ихтиярду дулайсса даврил подразделениярттал зузалт шаллусса шинай 95 азарунния ливчусса ярагь бусса инсантурал ялул бацІаву дулай бивкІссар, мукунма ххал булай бивкІссар ихтиярду дулайсса системалул 130 объект.

– 2024-ку шинал ЛРР-данул зузалтрал полициялул участковыйиурашал архІал, залухьруннал цукунсса шартІирдай ябул-

лай бурив ярагь кІул баву мурадрай, 37 азарда ххалбигьаву дурну дур. Дуллуну дур 15 азарунния ливчусса лицензияртту, 34 азарда ихтияр, 3700 частный охранникнал удостоверение, – кІицІ лавгунни Антон Зуевлул. Мукунма ванал бувсунни 2024-ку шинал кьуллугьрал буржру лайкьну бартбигьлай тІий Роствардиялул управлениялул 798 зузала ва абралийтуран паччахІлугьрал ва ведомстволул наградартту дуллусиву.

Хьуннасса даву дуллау бур Управлениялул подразделениярттал зузалт жагьилтал Ватан ххирану тарбия баврил ххулийгу. Республикалул школардай Управлениялул хьунама, генерал-майор Александр Ореховлул сипталый сакин бувну бур Роствардиялул хасьсса 14 класс. Шинал лажиндарай Роствардиялул зузалт профильный класирттал оьрчІахь дихьлай бур Чувшиврул дарсру, сакин дуллау бур миннал цала подразделениярттаванусса экскурсиярду, буллау бур спортрал бяст-ччалул. Роствардиялул жагьилсса зузалт ва абралий Ватан ххирану тарбия шаву мурадрай, подразделениярттал зузалт гьуртту хьуну бур Абрасатнал, регионалул ва ведомстволул дуллаллисса 44 акциялий.

КІицІ лаган, ляличИсса кьулагьас дур спортрал масьалалу. 2024-ку шинал подразделениярттал зузалт гьуртту хьуну бур Абрасатнал Нацгвардиялул Ухсавнил Ккавказуллал округрал личИ-личИсса спортрал 11 чемпионатрай.

Антон Зуевлул кІицІ лавгунни ялун нанисса шинал хьхичІ ххуттайн ласунтІисса масьаларттугу. Ххишаласса кьулагьас, гьар мудар кунна, дикІан тІий дур терроризмалушал ва экстремизмалушал талатаврил, жяматийсса низам ва агьалинал мюхчаншиву дузал даврил масьалартгах, мукунма хасьсса абралий операциялий гьурттушинна даврих.

Ихтилат кьуртал буллау, полковникнал барчалагь увкунни регионалул СМИ-дал вакилтурахь кІанттул органдалул подразделениярттал даву тІайлану аьч дуллау тІий ва барча бунни ми ялун нанисса ЦУсса шинал.

Андреана АБДУЛЛАЕВА

Журналист Халед аль-Хатыблул цанийсса шаллагу дуняллул халкьуннал дянивсса премиялул лайкь хьуннал цІарду риршунни журиллул вай гьантрай. Ва 2017-ку шинал Сирияву даврил бурж биттур буллау унува террористьтурал оьрмулуца увсса журналистнал цанийсса премияр, гьар шинах дулайссар дявилулу, питнардал кІантурдавасса репортажирттахлу.

Гьашину СВО-лия, Палестинавасса, Ливаннавасса ва Суданнавасса чІярусса репортажирттава язи дургьунни 3 журналистнал давуртту. Ххув хьусса 3-ннавух ур жула лаккучу, НТВ-лул абралий корреспондент, Дагъусттаннал лайкь хьусса журналист Оьмар МахІаммадов. Донецкалий талатавуртту кьизгьинийсса Абрасатнал огнеметчикьтурал ванал дуресса репортажран бившуну бур лахьсса кьимат. Оьмар МахІаммадов, оьрмулуннигьачІаву духьурчагу, СВО-лул царава репортажру дуллау, тикку хьанахьимунния хІакьну агьалинахь бусласисса, бюхьу-гьунар бусса журналист ур. Дявилулу цу кьизгьинисса кІантурдавасса ванал репор-

Ххув хьусса шамуннавух жуламагу



Оьмар МахІаммадов

тажру эфирданий чІалай, жул коллективгу мударгу дуаьрдай бикІайссар, цулулуну-сагьну шавай зана хьуния, тІий. КІицІ лаганна, ва СВО-лийминнан аьркинмунил, мюхтажмунил кумаг буллау ушиву ва хьхичІвагу хьиншиврул хьинбалардал ххулийсса даврихь чялишну хІала ухлай ивкІшиву. Хаснува кьашавайсса оьрчІру ххари бувансса давурттайнугу кІушливу оьрчІал нитти-буттахьан.

ИхІсандалулул даву хІсавравун ларсун, чІурчІав дуванна, журналист Халедгу, Оьмар кунна, ятинтуран, кьашавайсса оьрчІан, мюхтажминнан кумаг буллаллисса инсан ивкІшиврий. Сийлийсса конкурсерал журиллул хьунмур бур RT-лул ва «Россия сегодня» медиагруппалул хьунама редактор Маргарита Симоньян. Журилулу бур абралий корреспондентьтал, RT-лул журналист, Саргон Хадая ва ВГРК-лул журналист, Абрасатнал Виричу Евгений Поддубный.

Даврил уртакьтурал укун лахьсса кьимат бишаву цанма Оьмардунгу бусрав хьхьунссар, жулу ххари хьуру жулава кказитралгу хьхичІунсса дус сийлийсса премиялул лайкь шаврия. Даькьаврилми давурттай баька уттиния тинмай буслан кьабагьаннав, цу-цусса ххувшавуртту ва тІайлабацІу вил ххулул гьалмахтал хьуннав, журналистикалувусса жул гьалбарцІ, Оьмар!

Патимат РАМАЗАНОВА

Иркутскийгу ЦувакІуллал пагьламантурая

Иркутск шагьрулийсса суратирттал выставкалий дур ЦувакІуллал пагьламантуралессагу. Ва шалвагу Абрасатнал лагрулийсса «Чири Ватандалул гид – 2024» тІисса краеведческий конкурсерал хІасиллайн бувну личИ дуресса суратру дур ккакиялун дирхьуну. Конкурсерайн дуркІсса 215 суратрава личИ дурну дур 40, вайннувах машгьуресса пагьламан, гид Камил Маммаевлул суратту.

«Пагьламантал – цагу, кІяйгу инсан аькар. Ва шаллу-ккурккисса династияр. Жу, хІакьинусса пагьламантал, ЦувакІуллал цанихьсса хьхьуттайхлахьултрал 6-мур никирал пагьламанталу. Зува пикири бара, архьаннагу дахІин кьакІулсса, хьхьуттай ша ласун кьакІулсса наслу бур ялун наними. Жула ппухьлуннал жуйнна дуресса вихшала цІакь дуллау бакьару, дунялийих цІа ларгесса магьирлугь духлаган дитаннай буру. МуницІухва, буссар ирсирай ппухьлунная диресса пагьламантурал искусство духлаган кьа-

дитан шаймур буллалмигу», – тІий ур Камил. Ва ххуттал бакІрайма ва цувари. Камил хІарачат буллау ур, ЦувакІуллал пагьламаншиврул, ххуйсса тІабиаьтрал бяла ишла бувну, шяравун туристьтал кІункІу буван, мюрши оьрчІан хьхьуттай гьунарду буллан лахьхьин буллан. Вава мурадрай хІасул дурну дур ванал «ТаразалучІансса ххулулу» тІисса организациягу, цалва кунмасса мурад бусса инсантурал ка кІидахІаврийну зузи дуресса. «Хьхьуттайхлахьултрал искусство духлаган кьадитавриштал



архІал, ттул ялагу ца гьанумур мурад – пагьламаншиврул хьуншагьру – 1-мур ЦувакІуллал шяравалу, «аул-призрак» хьуну, эяллайн дуккан кьаритавур, бур проектру, бур мурадру, бур чІарахбацІулт, зий буссару шаймур буллау», – тІий ур Камил Маммаев.

Патимат РАМАЗАНОВА

Сийлийсса награда ларсунни

Москваллв Литературал кьатраву хьунни «Золотое перо Руси» тІисса, Миллатрал литературалул премия дуллаллисса мажлис. Ва хьанахьиссар чичултрал дянив ца яла сий думур ва машгьурмур конкурс. Ванил дур цила лишан – Мусил тІиму.

Гьашинусса конкурсерай литературалул ххулийсса лайкьшивурттахлу наградартту ларсминнавух ур Дагъусттаннал халкьуннал чичу Хизри Илиясову. «Ттул Ватан» номинациялулу Хизрин буллунни «Серебряное перо Руси» диплом ва «Арцул тІиму» лишан. Ванан награда дуллунни шаэр, филосона награда дуллунни шаэр, философьлул элмурдал доктор, А. М. Горькийл цанийсса Литературалул институтрал профессор Константин Кедровлул.

НукІувасса цала студент дакІнийхтуну барча уллай, Абрасатнал Чичултрал союзрал член Игорь Волгин чичлай ур: «Тгун кІулессия Хизри Илиясов Литературалул институтрал студентсса чІумала. Евгений Долматовскийштал архІал на вайнахь творчествалул семинарду байссия.



Хизрия ххаллисса чичу хьунни, Дагъусттаннал халкьуннал чичул цІа лайкь дунни. АрхІала ва элмийсса даву дачин дурну ур. Ва ур гьарица чулуха бюхьу бусса чичу, икІайкунсса гуманитарий. Хизри чичлай ур оьрус мазрай ва лакку мазрай, мунийну кІивагу маз

авадан буллау.

Ванал бур буккултран ххира хьусса прозалул шаллусса цикл. КуртІсса, ххаллисса произведениеиртту бур. ЛяличІину кІицІ лагавия «Ккавказ миллатрал жинсру» тІисса лу.

Оьруснал литературалул оьрмулулу, Абрасатнал интеллектуал оьрмулулу Ккавказнал цуксса агьамсса кІану бугьлагьиссарив ккаккан буллау ур Хизри цала прозалулу. Ва бур чІявусса тарихрал ишру ккаккан буллаллисса эпопеялул журалийсса произведение. Ванал прозалува «Ккавказ миллатрал жинсру» тІисса лу ттун ляличІинува ххуй бивзунни, муничІансса хьхичІмахьгу гьирарай чивчуссия».

Жугу барча уллай буру Хизри Илиясов лайкьсса наградалуштал. Чичлансса гьирагу, гьавасту тачІав кьалешаннав. Кьалан байл хьуннав.

Андреана АБДУЛЛАЕВА

Цуссалакрал райондалия

Аьпа абад бунни

Декабрьданул 24-нний Цуссалакрал райондалийсса Гьамияциял шяраву, администрациялул бакIчи ХIабибуллаь Рашидовлул сипталыйн буну, Виртгаврал аьпа абад буллалисса мажлис хьунни. Ва кьини 2 аьпалул ула тIиртIунни хасьсса аьралий операциялий буржру бартбигьлай жанну дуллусса Кьурбанисмяллул арс ХIусайн Шабановлул ва ХIажимурадлул арс Аьппас ХIамзаевлул.



Киягу аьраличу аьпалул хьуну махь лайкь хьуну ур Кьучагьшиврул орденнан. Ватандалыйн кьини дурксса чIумал, ХIусайнгу, Аьппасгу хушрай лавгун бур СВО-лий гьуртту хьун.

ХIусайн Шабанов увну ур 1984-ку шинал июндадул 24-нний Цуссалакрал райондалийсса Гьамияциял шяраву. Дуклай ивкIун ур Гьамияциял 1-мур школай. Ва дуккавругу, спортивругу, школадул иширттавугу хьхьичIун ливчусса, итхьавхьсса оьрчI ивкIун ур. ДакI тIиртIусса, аьчухьсса ушиврийн буну, ххирасса ивкIун ур архIал дуклакминнан.

Аьралуннаву кьуллугь булла ивкIун ур Ленинградулал областьрай. Кьуллугь буну махь, ХIусайн зий ивкIун ур Ленинградулал областьрайсса Тосно тIисса шагьрулий.

Украиннал аьршарай хасьсса аьралий операция байбихьусса цалчиньсса гьантрай хушрай лавгун ур Ватандалул мурадду бурчлан. СВО-лия увагу 5 гьантлийсса увкIун ур мачча-гьанминначIан. 2022-ку шинал октябрьданул 12-нний аьралий бурж бартбигьлай жан дуллуну дур ХIусайнлул.

Аьппас ХIамзаевлул хасьсса аьралий операциялийсса по-

звнойгу «Абас» тIисса диркIун дур.

– На увссара Дагьусттаннайсса Гьамияциял шяраву. Ялапар хьанай уссияв Санкт-Петербурграй. Мобилизация дайдирухьуну, Ватандалыйн кьини дурксса чIумал, ттун пикри хьуна нава рязину СВО-лийн гьаньсса. На кунмасса цаймигу кьабачирчан, шилли Ватандалул мурадду бурччинтIисса? Хасьсса аьралий операциялийн ачиньсса хIукму байхту, пикри мабару тIий, ичIувами паракьат булла ивкIра. ХIакьину на чIярусса шиннардий оьбалартту бухлай бивкIсса инсантал бурчлай, жула ялун нанисса никиран рахIатсса бучIантIимунихлу талай ура. Мархлуцакул духлаган дантIиссар шикку тIутIайх дирчусса неонацизм. Ххушавугу жула чулийри дусса, – тIий ивкIун ур Аьппас цала интервьюраву.

ХIайп, кьучагьсса аьраличунал 2023-ку шинал сентябрьданул 14-нний Донецкалал областьрайсса Авдеевка тIисса шагьру душманная мурахас буллалисса талатавругу жан дуллуну дур.

Аьппаслул бивкIуллул махIрумну личIан дунни нину, кулпат ва шанма оьрчI.

ХIакьинусса кьини Виртгавран ккалли бан бучIир ХIусайн, Аьппас ва вайнахава лавхьхьусса, кьанкьа-кьурчIисса хасиятру дусса, хасьсса аьралий операциялий гьуртту хьанакьисса циньявпагу жула оьрчIру. Барчаллагьри вас-щах бакьа Ватандалул мурадду бурччалисса оьрчIан лайкьсса тарбия дуллусса циньявпагу нитти-буттан. ХIайп, чувшиву ялтту дурксса арсурваврацIа хьунни вайннал аьзисса ниттихьул, кулпатру, оьрчIру.

Кьучагьшиву абадссар

Декабрьданул 20-нний Цуссалакрал райондалийсса Цуссаккуллал шяраву аьпалул ула лачIун дунни Украиннал аьршарай нанисса хасьсса аьралий операциялий чувшиврий жан дуллусса, Ваччийл шяравасса МахIадлул ва Хьусрациял шяравасса ХIамил арс, Кьурбан Кьурбанов ялапар хьанай ивкIсса кьатрай.



Виричунал аьпа абад буллалисса митинграй гьуртту хьунни Цуссалакрал райондалул бакIчинал хьиривчу Амир Султанов, МахIачкьала шагьрулул Советский райондалул администрациялул бакIчинал хьиривчу Сабир Юсупов, Цуссаккуллал школадул директор Татьяна Айгунова, дуклаки оьрчIру, Кьурбанлул нину-ппу, дустант ва мачча-гьанми.

Ватандалул мурадду бурччин, хасьсса аьралий операциялий гьуртту хьун Кьурбан хушрай лавгун ур. Талай ивкIун ур Запорожскалал областьрай-

сса дяввилул иширттаву. Артемовск райондалийсса Хлещовка тIисса шяраву най диркIсса кьизгьиньсса талатавурттаву кьучагьну жан дуллуну дур. Аьралий бурж бартбигьлай ккаккан дурсса чувшиврухлу ванан дуллуссар паччахIлугьрал ларайсса награда «Кьучагьшиврул орден».

Аьпалул митинграй ихтилат бунни Амир Султановлул:

– ХIакьину жува бавтIун бур хасьсса аьралий операциялий кьучагьну жан дуллусса аьраличунал аьпа абад дан. Жула аьралитурал хасьсса аьралий опера-

циялул иширттаву ккаккан дулла ивкIун ур Ленинградулал областьрай. Кьуллугь буну махь, ХIусайн зий ивкIун ур Ленинградулал областьрайсса Тосно тIисса шагьрулий.

Хьирив ихтилат бунни Сабир Юсуповлул. Ванал кIицI лавгунни Ватандалул ххуллий жан дуллусса кьучагь хасьсса аьралий операциялул иширттаву яла кьизгьинми талатавурттаву гьуртту хьанай ивкIшиву. Ванал аьралий ххуллу кутIасса ва яргьсса бивкIшиву.

Мероприятиялий гьуртту хьуминнал кьучагьнал аьпалул улттутI тIутIив дирхьунни, риршунни дакIний личIаньсса суратру.

Ахирданий Кьурбанлул ниттил, ХIамил, барчаллагь увкунни арнал аьпа абад бан бивкIминнахь.

ДакIнин бутан, Дагьусттаннал бакIчи Сергей Меликовлул сипталыйн буну, республикалул шагьрурдай ва районнай най дуссар СВО-лий аьралий бурж бартбигьлай жанну дуллусса аьралитурал аьпа абад буллалисса акция.

Имара САИДОВА

Тигьанну Лакрал райондалул бакIчи Юсуп МахIаммадов хьунаавкьунни Аьрасатнал Виричунал цIанин лайкь хьусса 13-ма дагьусттанчу МахIаммад Исбакиевлул ниттишал, Маринашал.

Лакрал райондалия

Виричунал ниттишал хьунаавкьунни



ДакIнин бутану, декабрьданул 9-нний, Буттал КIанттул Виртгаврал кьини Аьрасатнал президент Владимир Путинлул Кремлилул Виричунал Музил Цуку буллуссар МахIаммад Исбакиевлул ниттихьхьун ва шашарнихьхьун.

Виричунал ниттил дакIнин бивчунни арнал оьрчIнийсса лахIзарду, бивсунни аьралий кьуллугьрая. Виричунал махь ливчIун бур шашар ва ххюра шинавусса душ.

Юсуп МахIаммадовлул бивсунни Виричунал аьпалул ултти тIитIин дакIний бушиву Гьумук ва ниттил шяраву ЧукIнав.

– Жува аьркинссар Виртгаврал аьпа бурччин, ялун нанисса никиран миннал цIарду ва

миннал дурсса виричушивуртту кIулну дикIаншиврул», – увкунни Юсуп МахIаммадовлул.

МахIаммад Исбакиевлул гьан-маччаминахь жижарагу буну, Юсуп МахIаммадовлул барчаллагь увкунни ниттихь хIакьсса Виричу тарбия аврихлу. Оьвкунни ванийн Гьумукун хьамалу. Цув мудангу хIадурну уссара увкунни Виричунал кулпатрал чIарав ацIан.

Зулайхат ТАХАКЬАЕВА

Ккуллал райондалия

ОьрчIаньсса ихIсандадул акция

Ккуллал райондалий хьунни «ОьрчIру – жула бучIантIимурди» тIисса ихIсандадул акция. Ванил сиптачитал ва сакиншинначитал хьунни Ккуллал райондалийсса «Инсан» фонд, лакрал жагьилтурал ккурал ва диндалул кIулшивуртту дулаврил отделданул вакилтал.



Сайки 30 оьрчIан тIивтIуну бия личIи-личIисса дукрардашсалсса аваданьсса ссупра. Райондалул диндалул кIулшивуртту дулаврил отделданул зузалтрал хIадур дурну дия МухIаммад Идавсил (с.а.в.) оьрмулиясса ва исламрал тарихрайсса оьрчIал кIулшивуртту ххал дуллалисса викторина. Отделданул хьунама МухIаммад Сулаймановлул

бивсунни мероприятиялул мурадрая.

– Ккуллал махIаллий 2-3 зуруй цал дайссар увкунни мероприятияртту, оьрчIру куннашал кув кIул баву, дусшиву даву, мукума миннахь исламрая, имандалия бусаву, мяьрипат дуну тарбия шаву мурадрай, – тIий ур МухIаммад.

ОьрчIал чялишсса гьурттушиврийну ва тяхьа-таза буккаврийну чIалай бия ва кьини вайннан мяйжаннугусса байран хьушиву. Хьиннува ххари бивна оьрчIру мероприятиялул сакиншинначитурал хIадур дурсса бахшишерттал.

КIицI лаган, «Инсан» фондрал Ккуллал райондалийсса каялувчи Салман Рамазановлул, фондрал вакилтал Рената ХIайдаровал ва Филка Оьмаровал хIарачат бивну бия мероприятие лавайсса даражаллий сакин дан.

Цивпа сакиншинначиталгу, оьрчIругу рязину ливчIунни.

Адриана АьБДУЛЛАЕВА

Лакку улклубсса ччаврил ва къювулул мажлис

Укун учин бучИсса бия Лакрал театрлану хъусса Дагъусттаннал бурсавсса артист, цанихсса музыкант, аранжировщик, композитор ва лакрал лирический балайчитураву хъхьичИ ххуттай ишин лайкьсса Арслан Шагмардановлул творчествалул мажлис-бенефис.



КИИЦ бан багълай бухъунсар, махъсса шиннардий Арслан Шагмарданов зий уссар Лакрал театрланул музыкалул бутлул каялувчину. Ванал каялувшиндаралу хъхьичИуннай хъунни артистътурал балай учаврил устгаршиву, лавай хъунни концерттирттал даража, драмалул жагъилсса артистътураву ялун ливчунни ва итхъяххунни балай учаврилссагу гънар.

Му бакъассагу, Арсланнул музыка чивчуссар цаппарасса спектакльлан.

Балайчишиврий ва музыкантшиврий Арслан сий лахъну уссия 90-ку шиннардил дайдихъулий, аьпа биву, Мазагъиб Шариповлул каялувшиндаралу «Хъусраши» ансамбльданул солистну усса чумал.

1994-ку шинал Голландиянаву Дуниялул халкъуннал данивса фольклорданул фестивалъданий Дагъусттаннал делегациялувух бивкми дакИнин бутлан бикИай, Арсланнул чИунил ва такъвалул хИайран бунну бивкИшиву жюругу, гуртту хъанахъисса балайчиталгу, тамашачиталгу. Сакиншинначитурал ванал «мусил чИунин» лавайсса кымат бившуну, дуллуну дур фестивалъданул ларайсса премия «Мусил рикИ».

Тания шинмай замана бахана хъунни, жулламур магъирлугъ итгала дагъну, чилмур нахлу ларчИун ляркъунни. Амма Арслан къаавИуна мукун анаварса бушилий ялун бивгъуну нанисса попсалул шатГухъун ириан. КъаавИуна цува хъамаитангу. Цала вичИидихъултрайну хиянат къавхуну, най ия ттизаманнул шартИирдай миллатрал язисса рувхИанийсса ххазина ябансса шаттирду ласлай, жагъилтуран аслисса лакку балайрдал, лакку макъаннал ххуйишву ва нахлушиву кИул дулай. Гьарца лакрал мероприятиялий, хИатта цала чИу ххуйну бакъасса чумалгума, аккордеонгу канихъну увкун, цала чИунийну аслийсса лакку балайрду тИий, гьамин ванал хъарачатрайну учивив на лакран хъамабитала шавай ливчИсса лакку балайрду, хИакъину Лакрал театрланул артистътурал тИий, утгава буклай байбивхъусса. Мода тара-тагу лагайссар. ЛичИайссар так язимур, бивкИу бакъамур. Ваныхха кИура

баллай утгива ттигу жува жула аслийсса лакку балайрдайн. Ттуява гьалгъа тIурча, Арсланнул творчество бусса оьрмулий ххирану, цумур ласурчагу, ванал балайрда мякь къаливххун, хханхха къабувччуну ливчИминнавасса ца нагура.

Ванал творчествалул хъунмур бутIа якъабуну бавхИуну бур цала ниттил, ПатИимат Шагмардановал, творчествалуцИун. Чивисса оьрмулий цила шяраваллил агьулданушчал гуж-къиялий буттал мина къаритан буну, эялайн дурксса ТтурчИиял шарних аьтИсса, шала лакку билаятрах мякьсса шеърирдацИун лап даркъусса ва дюххансса макъаннугу чирчуну, ми балайрду ниттил яла къалагайсса къюву аьч данну, буттал улча яруннил хъхьичИух занану учай Арсланнул.

КюлтI бан къашайсса гъавсарашал увкунни ва хъхъунугу Арсланнул вай балайрду цала аккордеондалухун.

Увкун Мазагъиб Шариповлул ва Камалуттин КъурбанмахИаммадовлул макъаннайсса лакрал чичултрал шеърирдава язизими бивчИуну. ДакИнин бивчуну цала творчествалуву агъамсса кИану бивгъусса композиторал, шаэртал ва балайчитал.

Балайчинал савлугъ хъундан бивкИун бия ванал пишалул уртактал, цанихсса балайчитал: Дагъусттаннал халкъуннал артистътал Лариса ХИажиева, Луиза Шагдилова, Саняет Рамазанова, Зульфия Архилаева, Цуссалакрал райондалул магъирлугърал къатрал ансамбль «Дараччи», гьалмахчу Абрек ХИажимурадов.

Ва хъхъуну тамашачитал цИунилгу хИайран бувуна Арсланнул цаннир ца ялттуса гънардал: балайчи, музыкант, композитор, артист...

Концерт дайдирухуну, къуртал хъунца балайчитурахун руцлай бия музыкантътал ХИусайна ва Амрет ХИусайнаевхъул, Артур Аминов. Концерт дачин дурну ия Аьрасатнал лайкь хъусса артист Аслан МахИаммадов.

ЛяличИуну яргсса, цИу бусса, тамашачитал асардай личИансса дия бенефис.

Зулайхат ТАХАКЪАЕВА



Ниттил маз ябаву — гьарца лаккучунал буржри

Декабрьданул 22-ний лакрал культуралул кюрттаран ккаллисса «Инт» кафелулу хъунни миллатрал бучИантИимунил бурруккинттарайсса ва му ххуллий шаймур буллалисса «Ниттил маз» тИисса ккуруандалул вакилтурал хъунабакъаву.

«Ниттил маз» ккуруан хИасул дурну дур Гъушатусса Пазрулагулар арс ХИасанов КъурбанмахИаммадовлул. Ккуруандалулул бухлай бур 100-нния ливчусса вакилтал. Ниттил маз ххирасса ва му ябуван къисттасса

инсанталгу лагма лаган буну, ванал мазрацИун бавхИусса масъалартту ххал бигълансса, лахъхъин ччинан лакку маз лахълансса, кИулминналгу кИулшивуртту куртI дуллансса ккуруан хИасул дурну дур. Ва ккуруандалул гурт-

тучиталгу шалва Дагъусттаннайгу, цайми регионалгу яхъанахъисса бур. Интернетрал каша ишла дурну, дахИавугу дур.

БатIаврий ихтилатру хъунни лакку маз буруччавриясса, хъамабитан къабитавриясса, гьарца лаккучунал ца язимур ххазина — лакку маз ябаву ва магъир буллалаву хъунмур буржну хъанахъавриясса.

Руслан КЪАРДАШОВ

Консерваториялул 55 шинал юбилейран хасну

Билаятрал культуралувусса агъамсса ишну хъунни Аьшттарханнал паччахИлугърал консерваториялул 55 шинал юбилей кИИЦ лагаву. Вай шиннардил мутгалий шичча итабавкъуну бур музыкалул ларайсса кИулшивуртту ларъсса 5000-нния ливчусса пишакартал. Консерватория къуртал бувсса пишакартал зий бур, Дагъусттаннай, Аьрасатнал регионал бакъассагу, Англиянаву, Германиянаву, Италиянаву, Американаву, Палангнаву, Израильнаву, Мексиканаву ва цаймигу билаяттирттай.

Юбилейрай Дагъусттаннал чулуха гуртту хъунни машгурса пианист, актер, АьФ-лул искусствардал лайкь хъусса ишккакку, Дагъусттаннал халкъуннал артист, профессор, Лакрал райондалул хИурмат бусса гражданин Хан Баширов, «Поюшя Чарода» тИисса паччахИлугърал хорданул хъунмур хормейстер Мадина Шагмурадова, Д.Ш. Аьшуровлул цанийсса Дарбантулал музыкалул училишалул преподаватель Залина Шихмурадова ва цаймигу.

Вузрал хъхьичИунсса выпускникураваасса ур Мирзаханнул арс Хан Баширов. Ваных дарс дихълай бивкИун бур Аьрасатнал лаваймур школалул лайкь хъусса зузала, профессор Людмила Круглова. Гьарица чулинай итхъяхъсса, гъунар бусса музыкант Хан Баширов, Дагъусттаннай акъассагу, машгурну ур Аьрасатнал шагъурдайгу.

Консерваториялул хъунмур залданулу хъусса мажлисрай



Хан Башировлул барча бунни гурттучитал ва дуллунни Дагъусттаннал музыкантътурал, Дуниялул халкъуннал музыкалул союзирттал ишккаккултрал чулухасса наградартту.

ЦИанасса ппурттуву Аьшттарханнал консерваториялу-

ву дуклай ур 500 инсан. Миннавух бур Китайнавасса, Израильнавасса, Болгариянавасса, Къазахьисттаннаясса ва цаймигу билаяттирттаясса студентътал. Вузраву тИивтИуну бур оьрчИансса музыкалул школа. ХИакъину ва школа къуртал бувсса выпускниктал зий бур Москвавулал паччахИлугърал академиялул Хъунмур театрланулу, Санкт-Петербургулал Мариинский театрланулу ва Аьрасатнал ва чил билаяттирттал театрдал ва балеттирттал оркестрдаву.

Консерваториялул выпускница хъанай бур ДР-лул культуралул министр, АьФ-лул культуралул лайкь хъусса зузала Буттаева Зарема Ажувнагу.

Аьшттарханнал консерватория буссар Мариинский тИисса, хъаннил гимназия бивкИсса, хъинну хъхьичИавасса идаралулу. ХИакъину ва идара бухлай бур XIX-мур аьсрулул архитектуралул тарихрал гьайкаллар сияхИравун. Пишакартурал бусаврийн буну, шикку бур яла ххуймур акустика дусса заллу. Аьрасатнаву, ва бакъасса, бур цаймигу 11 консерватория. Цавагу консерваториялулу укун лавайсса даражалул акустика дусса заллу бакъар.

Имара САИДОВА



БухкІуллук дур ЦІусса шин!



ЦІусса шинал байрандалун хасьсса кацІру байсса мастер-класс

Ххирасса оьрчІрув! Вана ялун диявай ЦІусса 2025 шин! КьутІ тІий дур бухкІуллук! Машрикьулал календарьданни буну, Шюлли шатлук шин. Зу цахвагу кьачардур, Шатлук шин учаврия? Манигьабусару, ххюва бусса шин, 2025-ку шин, кьаххуйсса хьун

кьабюхьайссар. «ЦІусса шинал байрандалул бухкІуллий ЧІа увкумур та-бунугу шаллу шайссар» тІисса махьру жун, хьуниминнан, оьрчІнияЦава дакІний ливчІунни. Тасса-тарив жува кунма, вай гьантрай жулва оьрчІру ва оьрчІал оьрчІругу, Дякбил Ттаттахь бахшишругу,

личІи-личІисса мурадругу шаллу хьуннав тІий, ЧІа тІий бушиву кІулли хьул-умудрай. Магьраву кунмасса иширттайн вихну. Му вихшала бакІуйн дуккан дуваймигу зул ЧІарату хІура кьахьуннав тІий буру. Барча, оьрчІрув, ялун нанисса ЦІусса шин!

«ЧИМУЧИОЛИ»

Ххирасса дустан! ЦІусса шинал каникуллай буккин ва лакрал хьуннасса чичу МахІаммад-Загьид Аминовлул хаваргу. Ва, «Аькбил-нал лу» тІисса, хьхьичІава, 1981-ку шинал, дуняллийн букксса луттиравасса хаварди. Ва лу гьашину цІуницІа итабавкьуссар МахІаммад-Загьид Аминовлул творчествалун хас дурну Москвавилл лакку мазрай диктант чичлачисса ппурттуву. Лу итабавкьуссар шаэрнал ссил душаврал сипталийну, вайннул цала харжирацІух.

Ттул бидав

ЧІявусса лавгссара нагу дустурашал хьхьувай дучрачІан. Лаххира чурчари варсив, буттахьал кьабалайртту, хьуни кьачурдугу – чул бара кІукІусса кувссай каннал ЧІарах каннал. Чагьиравусса уртту-тІутІал, суврал ва явцул кьункьал янхьа тІисса гьава, ЧІируннал яру кунма, липІ-липІ тІисса цІуртти, шихьрив цирив буслай, батІи кьадуклакисса кунна, кьаькалуву лукь-лукь тІисса ратІ, цамур дуняллия баллалисса кунмасса дучрал ккарччал гьурегьургу – лазат! Жувагу буссару яла хьяни хаварду ва яла караматми магьри буслай. Яла магьри кІулмагу уссар дянйивва-дянйив уттушин увну.

Магьлух вичІилий буна, цацаних магьлушал шанавун лаглай, бусласима личІантІиссар цахьва цува, цІурттагь, ккуран дурну, лагмава бавцІусса зунттагь, махмур кунна, кІукІусса цІаннавун



кай-кай хьусса дуняллухь магьа буслай...

Агь, хьамаритайссарив тай хьхьурду! Илкинсса гьавалий,



ЦІусса шинал байрандалул тІутІал кацІру

Жу хьхьичІвагу бувьссяя «Илчи» кказитрал ЦІуссалаккуйсса корреспондентну зий бивкІсса Салимат Кьурбановал (ва цуппа Чапаевкалиятуссар) КІилчинмур Караманнай «ТІутІал ларзу» («Цветочная веранда») тІисса ттучан тІивтІушиву ва ссишал, Суджанашал, архІал Салиматлул даву ххуйсса даражаллийн гьаз дуршиву. ЦІусса шинал бухкІуллий оьрчІру ххари бансса даву дунни вайннул. Ттучандалий кІива гьантлий ккаккан бунни ЦІусса шинал байрандалун хасьсса кацІру байсса мастер-класс. «Цалчинмур кьини буссия оьрчІру мйра шинавун бияннинсса. КІилчинмур кьини - урчІра шинава ацІния ххюннивун бияннинсса. Программа мюршиминнан бигьассия. Чанкьанну оьрчІру ххари бувансса мурадрай дуллалисса даву дунугу, унгу-унгусса байран хьунни оьрчІан, нитти-буттахьулгу рязину ливчІунни. Гьарма шавай лавгссар цалва бавтІисса тІутІал



кацІлишал, гьаннайсса, ЦІусса шинал байрандалул асардасал, – увкунни Салиматлул.

Мйажаннугу, ттул никирал оьрчІан ЦІусса шинал



байран ххирашиврул ца савав му дикІайва, жу зурул хьхьичІва оьрчІи-чІюлусса чагьардая личІи-личІисса зярбухарарду, вамур-тамур дул-



лан бикІайссияв. Жу оьннасса чІумал кару зузи дурну бушиврия хьуннасса ххаришиву дикІайва жул нитти-буттан, жу-вувагу, ялу-ялун гьунарду ма-



гьир хьанай, чІюлушиннарду капливун дагьну, ххуй хьанай, рязисса асарду бикІайва. Салимат Кьурбановал укун ххуйсса лахІзарду оьрчІшиврувун зана бивтунни, кару зузи дурну, дакІру ххари дуллалисса. Ва ЦІусса шинал байрандалиясса асар ярг буллалисса.

Чимучтали Ттул бидав

кьурув-зунтгуйгъантгакьаливчлсса инсаннан кIулссарив хьхьугу цирив, мунил караматшивугу ссаву дуссарив?

ЧантIгу чин бантIссару я хьхьунивура ялун дирсса гьарал, я някIувххусса зунзулчаннал, ягу бурсуллул кIялаххан дурсса арцул кIюрхнил кьутIлатIссса дюхлулул. КIюрхнил ранг-кьа-чIашивурттургхха, гьавалий ччяни чантI кувкун, аьжаивнура ишттахIну ххал шайсса. Цан даслай, гьаванякIлаглай, яланякIшиву шюлли-кьачIа хьанай, ссавнийсса кIяла ттуруллайн шусса бургьил тIинтгал хьахьисса пар личин буллай, хьахьшивугу ятIулсса турандалийн дуклай – ина дахьа уруглагу, зиярат буллагу.

Амма гьарца чIумал гьарзат ххуйну кьабагьай. Цангу дур ва дуняллий, чанигу. Паракьатшивугу, шаагу.

Мяйжанссар, гьалмахтал архIал буний, цукуннив вас-шаагу дакIнинвагу кьабагьай, бичлачисса микIгу санну кьабикIай.

Тамансса лавгьсара на чачIан гьалмахтал бакьагу. Чул бантIссар мунигу ца урттун тавтесса кIанай, кьурталссар. Бакьассар цукунчIавсса хIучIгу, инавалу личIлай вардиш хьуну.

КьютI бан циванни, тIайла-ссар, хьхьичIва-хьхьичI балчан канаки бан лавгьсса хьхьунури на мадара нигьауслий ияв, кьюкIсса цаннавун дюркьсса рахIув ци жанавар буккавивав тIий. Лахьсса кьяртаюгу шаах тIий, урттува шатрал шуршугу баллай.

Амма нигь та диркIун дакьаяча, нигьауансса иш цамур хьуна. Гьай-гьай, ттушал цаймигу бивкIссания, яла-ялагу ттул ккащлчIа цайми дучригу бивкIссания, бюхьайва иш тукун кьабагьангу.

Гьи дайдишин дурасса чIун духьунссия: жул лухIи ккащлул тIйгу бан бувая, гьинттул хьхьукьини дакьа цитI-цитI тIий дулукьайсса цитIкурттугу так-тукьсса дакьа чIу буллай дакьая. Гьараллу кьалачIлай тамансса гьантга-чIунну хьурчагу, аьршигу хьартунна дия.

Цаннавух бакIру ссавний чIалачIисса рахIалусса кьанив балчангу итабавкьуну, варсувуннай лавкьура ттула, хьхьуригу лялук дархIуну. (ДучрачIан лавгьсса оьрчIал мудангу мюхчан дайссия хьхьуртти, шанай уна, бувкIун, оьрчIал, хьярч-махсаралун лариртун, кIюрхнил бизар кьааншиврул.) Хьхьу дия магьмунсса, руцаруцарисса ттуруллал ссавугу даршуну, тикку-шикьусса ца-кIива цIуку, навалу ливчIсса на кунма, ялгьузну ливчIсса. Ккащца тIурча, буссия ттул хьинну канийн махьсса, цучIав гьан хьун кьабащIайсса, буттахьал тIийкун, заллу угьайсса, залунначIату хьхьувай арху кьабущайсса. Шахну лухIисса ккащца буссия, махьсса чIи кунма, ларалсса, мютIисса. Мунияту я архьандалий бахIлан, я чидар бихьлангу кьабагьайва.

Хьхьувай на чантI учин увнав гьургу хьаняхьисса лухччинул, вичIилухух лечлачисса чал рапI-рапIлил ва оьсса хIухIуллул. Яру тIитIинсса мугьлат бакьа, пикри хьунни ккащлчIан ча-бунугу айгьур бувкIхьунссар тIисса. Ттун

кIулссия, бахчилачисса айгьурданул лахьсса валтгуйх хьхьан бувну, ккащлул тIй бутан бюхьайшиву. Мунияту на хьит куну лавай изавугу, иялну чантI чавугу ца хьуна. МуцIана, кьакьари хьабуккансса хIухIугу куну, ккащца хьхьхуна ттучIан. Ттун тIурча, махь бувчIуна, га ттула чIарав хьхьлай, хIухIу тIий, нава чантI учин уллай бивкIшиву.

Урувгра – ттула яруннайн вих кьахьанай ливчIунав: барцIру! КIивайва шюллину-хьахьисса цIаран лахьлахьисса яру!

БакIрай чIара дарцIунни, микIлавчIунна, маз бувкIунни – вев-гьа учин бюхьлай бакьар. Хьаняхьимурдив хьхьлатIа дуркьсса цIаннай аьямну чIалай бур: вичIивугу махьуннай лахIан дурну, агу бавхьун, ккащца хьхьхай цавай ярунначIан, махьа тIурча, гайми цIарал яру гьаз шай ккащлчIан. Му лахIзалий кIура баяй ккащца – хьхьхай махь хьхьхмур бурцIичIан. Кувни ччаннугу итадакьай бурцIил чулиннай.

АщIу тти, вагу цир: ккащлчIагу дур цирив ца жанаварданул ххют? Цири га ттар-ххар тIисса? ТIй? ТIй бувну бур ккащлул! Агь, наанасса бурцIурдин ляркьусса ххал да хьхьхансса чIун! ЛухIисса кьаралги тIйлул душиву кIул шайхту, цийва цуппа вев ливчIуна ттувату. Гьургьугу хIалану, цIир увкуна ца бурцIилгу.

Ттул чIунин жавабран кунма, нукIувасса леххаврил чIуний хIухIу куна ккащлугу. Микку зурзу тIисса нагу хьхьхра тIйлулчIан. Ласав варсулун, рутав кагу ссурсулухун. Мискиннал ссурссу кьакьаннагу дурая. Ганил зурзукувулул на мадара ттуйна нава учIан увнав: юх, кьабитайссара на ина бурцIурдил букан. Укарча, цал нагу укича!

Ттунма тIйлул цIими хьурчагу, нава ганий аьтIурчагу, шилъя ттул цIими бантIисса, цуя ттухлу уккантIисса, ца ккащца бакьасса?

Бивхьуну киямур канил кIисри зумув, шотI учав – цал дахьвану, яла дусса зувирах. ЦIир увкунни ялагу бурцIил. Ккащцамур гьанай бур жул лагма, ссинхралну пурх-шурху тIий, ччаннугу итадакьлай.

Циртти бурцIурдин бантIисса? Ттупанг ча бикIави, ттархьрагу ттучIа дакьар. Ххаржан ча дикIави, оьваннасса пикьичIиларагу дакьар! Анаварну кия каних ттирихIав лялук дархIусса хьхьури. Цакуну варсула ливчуну лагавай ливчIунни, хьит-шит тIий, кьатлан кьахьаняхьисса тIйгу. АтIлсса ссурссугу чIюртIа тIий личIлай дур канива. ВарсулураттиликIрахухчIин тIйлулбакI дуккан дував киямур чулухун. Ласав хьхьуригу урчIа канихьхьун: тти гьан хьичакьай ттучIан, ва муххал зумур тай ккарччавух цукун ричайрив. Баласса ччанналгу зурзу тIутIаву ция, лув бацIан шавай бакьая.

Чани шьав дагьлан диркIуна. Лешлан бивкIуна бурцIурдил яру. Утти ттун чIалан диркIуна гайннул кIялавххуну-оьрусса ранггу. Ца бия чIиви-чIивисса илIасса, цагу – кама буний кунма, урисса дарвачу бусса дявла. ВичIивугу дацIан дурну, ца тиха, ца шиха хIавалат хьаняхьисса гай, га цаннил цIир кусса чIу байхту, паракьатну кьакьалувун бувчIуна. Чунмай лавгьссияв, бакьа хьуна.

На ялагу тамансса хIаллай ттуйва нава акьа авцIуну уссияв, тIйгу варсувува бувгьуну. Дияча ккуччу дурну лухччи ккащлул, урттул тика кьабитанна тIий, ччарний кунма, лагма буклай бивкIсса хханссия.

БарцIру зана кьахьуншиврий дакI дарцIувкун, шьав рутав хьхьуригу ликкав бухсса варсигу, урувгра – чIиви тIй цукунсса бурив ккаккан.

Миккуцакуну, тIйлуисса язугь-ральяв, ягу ттуйва цIими хьунуяв, ттул иттату цайра цирда макь лирчуна: хьуручI кунма лухIисса, хьурухь багьсса чIирисса магьгу дусса тIйлул, магьи кунма, кIяласса миьхь бумур ччаннал жирттурай шаву дия. ЯтIувххусса хьамарала чIарарайх ялавай най бия оьттул шаругу.

БурцIил ххутIи шусса ччаннах аьрччагу тIий, ттар-ххаргу тIий нанисса тIй, лухIи балаллул хьхьуну бувсса, лухIисса ттунна чаннасса дунялгу ккаккайссияв тIисса кунма, шалвава лухIисса хьуни яругу махIатталну битлай, ккащлчIан гьан хьуна. Яла, ниттил лякьлулун шуншуматIи шун буллайгу бивкIун, ттул кумаграйхчIин мурччахьхьун мазу бирияйхту, цIими хьунну, магьгу ссултIу дуллай, ттихьлай булувкьуна.

Микку ттун хIисав хьуна ккащлул ца мазулиягу оьтту кIунтIа тIий бушиву. Тиха-шиха урувгра: кьалун цичIав хьуну бакьая, так мукьахух ялавайсса кIукIлу жирттурай бурцIил хьхьпул ххарссив оьттул цIалай дия.

Ттар-ххар тIий, лахьи ликкурттай цIакьну бацIан кьабюхьлахьисса тIйлуху уруглай, пикриду буллан ивкIра: гьа, иянссара шавай, ккакканссара ниттин, цир ганихь бусантIисса, цир кьабусантIисса? Хьувивав вакьссава нава дакI хьакуну ивкIсса кьабусан? Юх, ганин цинма гьарзат кIул хьунтIиссар, аьтIунтIиссар, гьуя, ихуй, ссан аьркинсса чу канаки бавуя вин му, учинтIиссар. Ачу микку личин маритара макьгу! Бутта тIурча, цал ссинхралну иттав уругантIиссар, цала някI яруннах куртIну ишангу ларсун. Яла, аьтIйгу уссияв, куну цIуххинтIиссар. Шайссарив микку кIукIлу лаглан? ДацIгу цукуннив кьанкьа хьунтIиссар, макьгу кьаличинтIиссар. Ай-юх, нитти-яр хьхьичI бутта хьунаакьирчава хьинни...

Бургьил цалчинсса тIинтгал чIаравсса кьатIрай хьхьемал жангри цай-цайтIи байхту, бавхIуну бутав варсигу ккащлул бурхIайн, лахIав хьирив, авчур, чIа-чIаних, пакьиресса тIй биьгалаган битан, аглангу шара, паракьат бакьа махьунмай тIйлух хьхьемахлахисса ябитлатисса ккащлул кьамаралусса дарвачрайх каху чара.

Барчаллагь, ккащцай, ина виричувшиву дунни, тIйгу, нагу жанавартрал ппив-ххив бан кьабивтун. Нагу, нава сагьну усакьсса, тIйлулчIан барцIру гьан хьун кьабитантIиссия. Цукьсса ци тIурчагу, ца гьанттавагу дуняллий кьавхьусса тIйлулчIа ацIния шанку шинайх нанисса нагу шаллусса адаминарахха.

Хьуруннал дянивухсса зунхи ххулийрив, тачIав я цIан, я барцIру, я бала-апатI кьабивкIсса кунма, тяхьану хьхьхабургьилу пар-пар тIий бия някI шамагу, хьхьемацIа кьакьан бувасса тактукьсса хьахьисса чIапивугу...

МахIаммад-Загьид АМИНОВ
«Чимучтали» хIадур бувссар
Патимат РАМАЗАНОВАЛ

«Илчилул» календарь

Ва нюжмардий бувссар:

Декабрь зурул 23-нний 1888 шинал увссар аьлимчу-энциклопедист **Аьли Кьаяев**.

Декабрь зурул 24-нний 1937 шинал увссар художник **Альберт Ходжаев**

Декабрь зурул 25-нний 1926 шинал увссар тарихрал элмурдал доктор, профессор **Владилен ХIажиев**.

Декабрь зурул 25-нний 1936 шинал увссар ДР-лул кьуллугь баврил лайкь хьусса зузала, захIматрал ветеран **ТIалхIат АьбдурахIманов**.

Декабрь зурул 26-нний 1921 шинал увссар Совет Союзрал Виричу **Якьуб Сулайманов**.

Декабрь зурул 27-нний 1933 шинал увссар профессор, Дагьустаннал кардиологиялул кьуллугьрал каялувчи **АхIмад Хаьсаев**.

Декабрь зурул 28-нний 1921 шинал увссар атомщик, Ленинлул премиялул лауреат **Амир Амаев**.

Декабрь зурул 29-нний 1922 шинал увссар шаэр **Мирза МахIанмадов**.

Декабрь зурул 29-нний 1935 шинал увссар Дагьустаннал халкьуннал чичу, педагог **Ссугьури Увайсов**.

Декабрь зурул 30-нний 1940 шинал увссар АьФ-лул лайкь хьусса строитель, публицист **Оьмари Аскандаров**.

Декабрь зурул 31-нний 1960 шинал бувссар шаэр, публицист, жяматийсса ишккакку **Миясат Муслимова**.



Контрактрайну аьралуннаву кьуллугь буллан кьамул буллай бур

Контракт чирчусса республикалул ялапарлувтуран дулай-ссар 1 млн кьуруш цалархIал:

500 000 кьуруш – Дагьустан Республикалул чулухату;

400 000 кьуруш – федерал бюджетравату (гьашину августрал 1-нния 31-ннийнин контракт чирчуминнан);

100 000 кьурушраяр кьачансса – шагьурдал ва районнал чулухату.

Контрактникнал харж – 210 азарда кьуруш зуруй.

Аьралуннаву кьуллугь буллан язи бугьайсса кIанттурду зий бур жула циняв шагьурдай ва районнай.

Дагьустаннай мукунсса кIану: **8(989) 484-69-95**

ДР-лул Военкомат: **8(8722) 68-16-08**

Уттигъанну Дагъусттаннал Техникалул университетрал Аьралий Къулшивурттал центрданий (ВУЦ) увкIунни Чувшиврул шанна ордендалул заллу, Аьрасатнал Виричу НурмаIаммадул ппу Энгельс XIажимаIаммадов.

Университетрал ректор Назим Баламирзоевлушал ва ВУЦ-рал калувчитурашал ванал ххал дунни центрданий цукун най дурир дуккаву, ххал бунни аудиториртту ва техникалул дузалшинна.

ДакIнин бутан, центрданул ца аудитория Аьрасатнал Виричу НурмаIаммад XIажимаIаммадовул цанийссар.

Жунма кIулссар, гвардиялул хьунама лейтенант, гвардиялул десантно-штурмовой Ккавказуллал казачий полкрал 247-мур роталул командир НурмаIаммадул къучагъшиврий жан дулуссар хасьсса аьралий операциялий. Ванал полк цалчинминнувах тIайла бувкун бивкIссар Донецкаллал ва Луганскаллал республикардал мюхчаншиву дуруччин.

Февральданул 24-ний НурмаIаммадул БМП нанисса колонна гуж ххишаласса душманнай тIайла дарцIуссар. Ва талатариву НурмаIаммадул захIатесса шаву дирссар. Мукуссса тагъарданий унува, махъра-махъсса патрон харж даннин, НурмаIаммад душманнай данди авцIуну увкIссар. Ца граната лирчIсса чIумал, цувагу, лагма лавгсса украиннал боевикталу пIякъ учин бувссар. Муний-

Энгельс XIажимаIаммадов хьунаавкъунни курсантътуращал



ну душманнал вив лавсьсса ванал аьралий дустураща ххассал хьун бовхъуссар.

Виричунал буттал Энгельслул ихтилат бунни курсантътуращал.

– Энгельс МаIаммадовичлул арс хьуссар хасьсса операциялий цалчин Аьрасатнал Виричунал ца ларсьсса аьраличу. Ванал къучагъшиврия кIулссар щалагу жула билаятрай, ва эбратну ккаккан уллай буссар жагьилсса никиран. XIакьину цала къучагъсса арснай, мунал аьралий ххуллия, хьхьичIуннайшивуртта

Энгельс XIажимаIаммадов

бусантIиссар зухь Энгельслул. НурмаIаммад кунмасса аьралитал чувшиврул ва Ватан ххирашиврул, къуллугърал буржру дакI марцIну бартбигъаврил эбратну хьун аьркинссар, – увкунни ректорнал, курсантътал Виричунал буттащал кIул буллай.

Хьирив Энгельслул бувсунни НурмаIаммадул.

– НурмаIаммад чIивинийва ия аькьлу-кIулшиллу увччусса, бюхъухьит бусса оьрчI. ЧIивисса чIумала аьраличу хьуна тIий икIайссия.

Цахь хьуна хьуну махъ на му кIул увссия, та ппурттуву Гьавалул ва десантрал аьралунува къуллугъ буллалисса, цана Аьрасатнал обороналул министрнал хьиривчунал къуллугърайсса Юнус-Бек Евкуровлушал. Та чIумал ччан бивкIуна арснан цала оьрму гьавалул ва десантрал аьралуннацIун бахIин, Воздушно-десантное училищалу-вун уххан. Цалчинсса курсарива ва взводрал командирну ивтуна, спортрал ххуллий ххуйсса ккаккиарту чIалачIи дурна. Училище къуртал буну махъ, кIийла гьан увна Сириянавун. Мичча увкIун махъ, шиннардиа къалавхъхьуну, оьрмулул хьунасса инсан куна къущу тIий ия. Цала чIунархIал оьрчIру, миннал ихтилатру ванан ялттугуну чIалай бия. Дяъви ккакксса, дустураща хьусса вин хьиннува бувчIлачIиссар оьрмулул къадрукимат ттуйнува кIулли – тIий уссия на мунахъ, – буслай ур Энгельс МаIаммадович.

Мяйжаннугу, Энгельс XIажимаIаммадов цува ур аьралий къуллугърал бурж, аьраличунал хъа, яхI цирив кIулсса хIаписар. Ванал къуртал буну бур Аьрасатнал Виваллил иширттал министерства-

лул ва ПаччахIлугърал къуллугърал академияртту.

Зий ивкIун ур Чачаннал, Къабардин-Балкъарнал, Ингушетиянал Виваллил иширттал министертварттай. Лайкъ хьуну ур шанна «Чувшиврул» ордендалун, «За отвагу», «За боевые заслуги» медальлан.

– Ттул арснал чувшиврий жан дулунни. Гьай-гьай, арс оьрмулуца шаву ттун хьинну къурчIину бур. Ганал жан дулуссар хIакьсса хIаписарнал кунна, рухI дуссаксса къуллугърал бурж бартбигълай, Ватангу, аьралий дусталгу буручлай, – тIий ур Виричунал ппу.

«Ххуйну дуклакьяра, спортрахун багьяра, лахьлахьяра зуладин, республикалулгу, билаялгалу тарих, Ватан ххирану, зулагу, зула кулпатралгу оьрмурдах, тIуллах жаваб дулун кIулну бикIьяра, – оьвчаву дунни Энгельслул курсантътурайин.

Ихтилат къуртал буллай, ванал барчаллагъ увкунни Дагъусттаннал Техникалул университетрал ректорнахъ Аьралуннал КIулшивурттал центр тIивтIуну, му аьркинмунил дузал баврихлу.

– Центрданул даву гихуннайгу лавайсса даражлий дачин дан ттушава шайсса кумаг нагу банна. Укуссса идарарттал бияла хьунмассар жагьилсса ник Ватан ххирану тарбия давриву, – увкунни ванал.

Анриана АБДУЛЛАЕВА

КIулшиву дулаврил шачIанттай

СунбатIул, муххал ххуллучитал, уссал устгартал, каруннил давуртту дувулт бакъассагу, муальимталгур. 1893-1914-ку шиннардий СунбатIлиясса Манаплул арс Адам 21 шинай зий ивкIссар дивирну, къадину, яла муфтину Гьумучиял Хьун мизитраву. Муксса хIаллай лахь лавгсса мизитрал муфти Лаккуй цамакъаивкIссар тIар.

1920-ку шинал, Магьирлугърал революция хьусса чIумал, Аьрасатнаву, инсантуран буккин-чичин лахьхьин буллай, кIантту-кIантурдай мактабру (школарду), ликбезру тIитIлай бивкIссар. Лакралгу, Ккуллалгу районну личIи даннин, 7 класс къуртал бувсса хьамитайпалул луглай, льякъуссар ца сунбатIлидуш – ПатIимат (Буту ПатIу) тIисса, муххал ххуллучи БутIу Разул ва Нурижатлул душ. Му бивкIссар Гьумуксса ликбезирттал хьунмурну 1926-ку шиналнин. Яла, Камил тIисса шавкIрачуан шар хьуну, Бакуин бивзссар. Камил зий ивкIссар Азирбижаннал кинофикациялул хьунама бухгалтерну, ПатIиматгу Низамил цанийсса Магьирлугърал къатраву зун бувхьсар.

СунбатIлидуш Хизриева ПатIимат Дарбантлив Педучилищагу къуртал буну, зий бивкIссар личIи-личIисса кIантурдай: учительну цал Дарбантлив, яла Шурагъ, Лаккуй РК ВЛКСМ-рал 1-мур секретарьну, яла, Москвавил, ВПШ-гу къуртал буну, Ваччав РК ВКП-лул, яла КПСС-рал 2-мур секретарьну, махъ 20 шинай, КПСС-рал обкомрал хьаннил отделданул хьунмурну.

СунбатIличу Гьарунов Ан-



ш. СунбатIул

вар Дарбантлив Горонорал хьунаману, яла Горкомпартиялул бувчIин баврил отделданул хьунаману ивкIссар. Яла махъ ДГПИ-лул кафедралул хьунаману зий ивкIссар. Мунала усу Гьарунов Мала Москвавил Н. Крупскаял цанийсса пединститутрал математикалул кафедралул хьунаману ивкIссар.

Москвавил Тимирязевлул цанийсса Сельхозакадемиялулу доцентну зий ивкIссар XIамидов XIамид. Тиккура докторнал диссертациягу ахтгар дурну, Москвавил Сервисрал университетраву дарс дихьлай ивкIссар Адамов Насрулагъ. Уттигу СунбатIлив «КкунцIалу» агрофермалул гендиректорну зий уссар. СунбатIлия дистанционнайну Москвавилсса университетраву дарсу дихьлай уссар, тиккусса элмийсса журналданул редакторшивугу дуллай. Тивува зий буссар доцентну Амучиева Гуля Амучил душгу.

Екатеринбурграй 20 шинай физикалул кафедралул хьуна-

ману «Горный университетраву» зий ивкIссар Исрапилов Рамазан.

Ростоврай РИИЖДП-луву, цал физикалул учительну, яла подготовительный отделениялул хьунаману зий ивкIссар МаIаммадов Муса, цана мунал душ Наташа, физикалул элмурдал доктор, тивувасса кафедралул хьунмурну зий буссар.

Кронштатрай Хьхьирил академиялулу дарсу дихьлай ивкIссар капитан Манапов Муслим.

Гьанжилив ДГПУ-луву учебно-производственный отделениелул хьунаманал хьиривмурну буссия МаIаммадова Асият. ДГУ-лул тарихрал кафедраллий зий буссар элмурдал кандидат XIажиева Фарида.

Дагъусттаннал Технический университетрал философиялул кафедраллий хьунаману зий ивкIссар Абасов Казбек, информатикалул кафедраллий - элмурдал доктор Оьмаров Оьмар.

Муххал ххуллул гимназиялул директорну 25 шин дурссар Оьмарова Розал.

Тахо-Годил цанийсса педагогикалул НИИ-раву кафедралул хьунаману зий ивкIссар сунбатIличу Паталиев АбулIалиб Гьазиханнул арс, муналва кулпат ПатIимат Шурагъ Педучилищалулу дарсу дихьлай бивкIссар.

ДГУ-раву математикалул кафедраллий зий буссар Амучиева Тания.

МаIачкъалалив 1-мур школаллий физкультура дихьлай уссар Маллаев Муса,

13-мур школалий филологну зий буссар МаIаммадова Зарема.

Аьрасатнавугу, Дагъусттаннайгу, шархъайгу учительталну зий бивкIссар, уттигу буссар сунбатIул. Ново-Хушетуллал школалий зий ур СунбатIлиясса 18 учитель, вайнна миннал цIарду: Асват Шихабуттинова – математикалул учитель, Роза МаIаммадова – байбихьуллул классирттал учитель, Зенфира Саймаева – байбихьуллул классирттал учитель, Мариям Оьмарова – байбихьуллул классирттал учитель, Луиза Юсупова – байбихьуллул классирттал учитель, Анисат Мирзаева – филолог, Марина Оьмарова – филолог, Зарема МаIаммадова – математикалул учитель, Аминат XIажиева – ингилис мазрал учитель, Марина Расулова – ингилис мазрал учитель, Лайла Оьмарова – ингилис мазрал учитель, АсхIаб Оьмаров – тарихрал учитель, Самера Оьмарова – химиялул учитель, Абдулла Идрисов – физикалул учитель, Нурият Салманова (Оьмарова) – математикалул учитель, Салимат Салманова – байбихьуллул классирттал учитель.

МаIмуд АБЛИЛОВ

Патриотътурал кюру

СунбатIлив Мудунхъал XIусайннул ва Камилатлул кулпатраву бунна 4 арс ва 3 душ. Кулпатрал маэшат, колхозравугу зий, ризкьилия бия.

Байбихьуна Буттал КIанттул цанийсса Хьун дяъви. XIусайннул ва Камилатлул арсу – Жамалуттин, Сайпуллагъ, Давуд дяъвиллийн бувцунна. КIира шин хьуннин, Жамалуттиннул ва Сайпуллагълул Ватандалухлу чувшиврий жанну дулуссар тIисса чагъарду бивкIуна. Давуд дяъвилия, контузиягу хьуну, ххуйсса наградарттащал зана хьуна. Ванан дулуну дия «ЯтIул ЦIукул» 2 орден, «Ушаковлул цанийсса орден», «Буттал КIанттул цанийсса Хьун дяъвилул орден» ва тамансса медальлу. Давудлул арсаврал, МаIаммадал ва Жамалуттиннул, Совет аьралунува бурж лавхьссар.

Цана ванал арснан, Артурдун, «Дагъусттаннал халкъуннал Виричунал цIа» дулуну дур. Украиннаву хасьсса аьралий операция байбихьуния шийнай ва националистътуращал талай уссар. Тихун гьаннингу «Жуковлул медаль» ларсун дур Сириянавугу талай. Ва бакъарив шяриваллингу, нитти-буттангу, усурсуннангу пахру. Буттахъая ирсирай нанисса ватан дуруччултрал, патриотътурал кюру хьунни XIусайннул къатригу, льякълуя бивзсса наслугу. Ца учинну ххаллилсса сунбатIличу Артурдун цIакьсса цIуллшивугу, ватан ххирашивугу. Аскисса душмангу ххит увну, ххувшаврищал нитти-буттачIан цIуллуну, сагъну зана хьуннав ина, Артур!

МаIмуд АБЛИЛОВ

Ттулмур пикри

Кира шарсса дуцаврил кИхИуллашиврия

Бюхэй на гьашинусса ши-нал «Илчилийнсса» махъ-ра-махъмур макъала чичлай бикИангу. Шусса шинал байрандалун хас бусса номер бухъувкун, ци-дунугу даххана-сса, сахъи тяхъа-шадсса дикИан аьркинни. Шинал лажинда-рай чичлай бивкИру пашманму-ния, кьурчИмунния, кьумамунния. СВО най буссаксса, дуняллий дьэвилул кьавгьарду, питнарду, исламистьтурал-радикалтурал, шаллагу дуняллийсса терро-ризмалул тарап дургьуминнал ва муттаэтурал кьалмакьаллу ду-ссаксса, ххаришивурттугу кьах-харисса дунутИий, байраннугу кьабайрансса.

Буккулт шинал ахирданийва-гу бялахъан бан, тяхъа бан аьр-кинни. Темагу цурда дуркИунни. Яла ччанавккунмур, чИявусса бя-стру буллалли буммур. Аьрасатнал РувхИаний управлениялул (ДУМ) чИярусса хьами дуцин ихтияр дул-лаллисса шариаьтрал хИкуму – фат-ва. Декабрьданул 19-нний Москва-вуллал муфти Илдар Аляутдинов-лул баян бунни, ДУМ-рал КИра-шанна шарсса дуцин ихтияр дул-лаллишиву. Ванациун авкуну, Аь-расатнал Бусурманнал рувхИаний управлениялул хьунама, шайх Ра-вил Гайнуттиннулгу КИИЦ лавгун-ни, КИра-шанна шарсса дуцинсса кьадагъа дакьашиву, дунявийс-са (светский) законнал кьарал-данува буклакисса иш бакъаши-ву. Амма декабрьданул 23-нний Аьрасатнал Генпрокуратуралул КИИЦ лавгунни, ва жува гьалгъа тИсса шариаьтрал хИкуму Аь-расатнал паччахИлугьрал кулпат-рал политикалуцун бавкьусса зат бакъашиву. Прокуратуралул ай-бювкьу дувайхту, ДУМ-ралгу шариаьтрал хИкуму леша-лекъа бунни. Гихунмаймур иш цукун хьунссарив кьакИулли, бурганну цусса шинаву ссайн бучИайрув. ДакИнийхтуну мукИру хьунна, Дагьусттаннал телевидения-лийсса передачулул ваниннин сувиллий шанна шинал хьхьичИ, на увкуссия, нава КИра-шанна шарсса дуцаврил муттаэ бакъа-ра куну. Агар ухьурча мукунс-са адамина, КИра-шанна шарс-са дурцуну, циняв архИалну кка-клай, цаннийрагу кьия кьахьун-ну, цавайвагу оьрчИру личИи кьа-буллаи кьущу тИсса, ласру бакъа ливчИминнангу ласру аьркинну бухъувкун, ми дуняллий циняв хьаннин биял хьанайгу бакъа-хьувкун, гьарнал ихтиярди куну. Передача дурксса кьини, шапай бухханнинма ичИура ттуйн ттархь-ру дарчуна, адаминан ца шарсса гьассар, виламанал КИра душлар-ча ци банна, ца дурцувкун, па-ракьатну оьрчИалсса, кьушлилс-са буллаи шяикИан аьркинссар циван кьаучав, тИий. Таний жа-гьилсса, аькьлу бакъасса, циняв хьамигу, оьрчИругу дану ккаккан шайсса бюхъу-бажарданул арам-тал бакъашиву кьабувчИайсса бу-хьунссияв. Уттирив, тИайланма ва найбунува учинна: на хасну чИярусса хьами дуцаврил мут-таэра. Чара бакъа оьрчИалгу, хьхьичИмур шарссанилгу дакИин шунсса иш буну тИий. ШинчИав кьаччан кьабикИанну дузал хьун, ссихИир бан шайсса ссихИирчитал бакъану тИий. Вайва гьантрай,



цИуну увчИусса Американал пре-зидент Дональд Трамплул баян бунни, цува президентнал кьул-лугьрай цаьк хьусса кьинива «трансгендерное безумие» дацИан дуванна куну. Яни, инсаннан цува хьамитайпану ягу адаминану лья-хьухьурча дуняллийн, льяхьусса куцуй яхьанан аьркиншиврий чИурчИав дуллаллисса, пол дахха-на дуван кьадагъа дуллаллисса. Ва ялагу, чув-адамина чувнан шар шаву оькки кьабизайсса инсан ттун кьаувчИинссар цукунчИавгу, му ишираву на кьухънассара, нягу кьуркьассар. Арийлвагу, ацИийлвагу хьами арамтуран хьанахьисса ташурду хьинни-кьай, КИилчинмур шарссану шар хьанай бухьурчагу, КИра-шанна дуцлай ухьурчагу. Амма чИярусса хьами дуцаврил масъала хьинну захИмат-жапасса темар. Бусланни бигьасса. КИра-шанна шарсса ду-цаврил хИакьираву цума ци тИий урив цИуххав нагу цаппара инсан-турахь. Зунмагу бувчИлай бухьунс-сар укунсса суалданухьхьун жава-бу дуллаллиминнал цала ца-бакИ тИайлану КИИЦ лавгун кьаччиши-ву, муниятну нагу цаппара цIарду даххана дував.

Расул Шагьабуттинов, Ди-нийсса институтрал преподава-тель, элмийсса зузала:

– Мубараксса Кьуранда-лий тИутИимунийн ва ххирасса МухИаммад Идавсил (с.а.в.) увку-мунийн ттул цукунчИавсса шак бакъассар ва бикИангу кьабюхъ-айссар. Хасну нава, ттулва маэшат гьаз байхту, КИилчинмур шарссагу дуцин дакИний ура.

Ражав Шамсуев, имам:

– Му суалданушал ттулчИангу бучИай чИявусса, микку так Ал-лагьнал рязишивур гьасса. Ислам-рал КИра-шанна шарсса дуцин бучИи буллаи бухъувкун, Аллагь-нал кумаг баннав гьарцаннан.

Ризван Аьлиев:

– Яруссаннал ва даргиял чиваркИуннал, табасараннал кьа-душларчагума, лакрал арамтуран бучИир КИилчинми хьами дуцлан. Миллат яшаву мурадрай. Так му зат бувчИусса хьамигу нясив хьур-ча. Ласнал хьхьичИ ккуру бихь-лай, никирттайн багьлай, лергь тИий бур лакку хьами ялун шарс-са мадуцара тИий, миннатру бу-лай. Кувгу, КИилчинмур шарс-сия гьим дуннихъа, личИи хьунну тИий тарс бацИай. Цукъавххуну дурцуну нажагь ашкара хьур-чагу, КИийн-гилун хьахлахиссар, ттул ялун шар дуцин, на ссал оьккиссара, кьадарссара тИий. Хьаннил психология мукунсса дур. ОьрчИру чИявуссаксса тухум-гу цаьк хьанахьиссар. Ва яла-

гу. КьютИну хьанничИан лас за-най ушаву кьамулсса бур, заназу, так ялун личин мабара тИий. Бу-нагьралун агьлагьисса лас ххас-сал уван КИанай, бунагьру буллан кабакьу буллаллисса.

Аьбидат ХИусманова, хИакин:

– КИра шарсса дуцаврия гьал-гъа тИун бигьар, хИатта КИрагу, шаннагу ядансса даражалий ухьурчагу. Микку хьаннинни захИматсса. Ласнал цамургу шарс-са дурцусса хьами циняв аьзав-рай бур, хьинну нажагь бухьунс-сар дуцаврия рязисса. Миннахъ цИуххара, цери зун кьурчИи бизла-зимур, куну. Зун минналмур дард-гу дурчИинтИиссар. ЗахИматсса масъалари куну кьабитан шайс-са масъала бакъар, ттун му тема-лиягу бавнувагу кьачча.

ШайхИмад ХИажихИусай-нов, имам:

– Аллагьнал измулияр ла-райссагу, хьхьичИунссагу за-кон кьадикИайссар, ттулмур пи-кригу миннуяр ккалли бансса бухрав. Дуцин бучИиссар, амма тИайлашиву дикИан аьркинссар гьарца чулуха, адамина хИадурну икИан аьркинссар аьдлулий кьуц-цу тИун. Ишру личИи-личИину ба-гьайхъа, масалдаран, дьэвилул чИумал чиваркИ чИявусса литИай, ягу оьрчИ бакъасса шарссания личИи хьанан бикИай. Хьамитай-палун, личИи хьуну, цинма цуп-палунияр, ласнал хьаралу кьахъ-иннив?

Аьбдулаьзиз Кьурбанов, пред-прияттялул хьунама:

– Аьрасатнаву чиваркИуннаяр хьами чИявусса бухъувкун, бусур-ман агьалинан мукунсса ташур-дая заралнияр хайр бикИанссар. ЧИявусса жагьилтал хИанттихун, наркотикирттахун, зунарахун багьну бур. Шинни душру шар хьунтИисса, цИуллу-цИакьсса чиваркИ бакъаний? Циванни ташу баву оьккишивуну дикИан аьр-кинсса? Оьккишивур зуна баву, буцинна тИий, хьаврингу буну душ кьабитаву, ягу оьрчИ лиян бан духтурначИан хьамитайпа гьан буваву. Шар дуцавриву оьк-кишиву дикИан кьабюхъайссар, гьай-гьай, КИилчинмур дуцайхту, цалчинмуних кьулагьас чан хьун ритан кьабучИиссар. Ялунгума хИурматрайсса, ччаврийсса арар-дур дикИан аьркинсса.

Асият МухИуттинова, кон-дигер:

– Ласнал цамургу шар дуцин ччай ушиву бувчИайхту на, жул-ва оьрчИахгу ччаву дикИан, тту-шала душиву дусса хьамитайпа буца учав, бувцунни. Ца ттунма ва Аллагьнанни КИулсса ттул зума-

ту рязисса махъру цукун бувксса-рив. Амма адамина хИинчурай, алхьандалий аХингу, айгьингу кьашайссар, мунан шар дуцин ччан бикИарча. АвхИуну утарча-гума, чаран льякьинтИиссар му-нал. Муниятну мукунмур чИумал бан личИаймур цар бусса – ссавур дуван, кьамул дуван. Аькьлулий кьущу буван. Итгав хьахлахимур кьачИалан, яру бахИин.

Сулайман Мудунов, програм-мист:

– Зувира-мукьИалла шина-вусса душру бур диссертациярду дурчлай, фирмардай каялувши-вуртту дуллаи, аьрш-куршлил зал-лужьру цивипа ххай. Шарду хьун кьаччай. ШилчИав биялаллий ссан аьркинссар тИий, ттунма ччикун буссара тИий. ТачИав цукунчИав аьй кьаданна я шанна-мукьра шарсса дурцуну, я КИилчин-шамилчин шар хьумуний.

Сиянат Исыева, студентка:

– Гьич кьарязира. Ттул ада-минарав, ттучИа икИу, акъарав-гу – насу вила ххуллий чун гьан ччай уссарав. Шариаьтри, ис-ламри, бучИиссар тИисса вар-сагьрувагу кьачча, цукунчИавсса хИуччардалгу ттул пикри баххана кьабантИиссар. Ва ттулмур тара-при. Адамина чил хьуву ушиву КИулну ттун шаний шану бияйс-сарив. Му хьунни хавар.

Рамазан Муслимов, юрист:

– Гьарца хьамитайпалул зу-

мвусса суал бикИай, ттуятурив дай-дихьу дуван аьркинсса тИутИисса. ХИисавравун ласун аьркинни, дьэвирдал, ковидирттал, авари-арттал биялсса чиваркИ бювкьши-ву. Ва ялагу, хИакинтурал ва стати-стикалул мьяйжан бусса зат бур, арамтал арамталну личИавугу нигь-рутлатисса тагьарданий душиву, чИявусса чиваркИ ччянива хьхьара хьанай бушиву. ОьрчИру бакъас-са кулпатругу чИяву хьанай буши-ву. Ва КИану хИисавравун лавсунгу кьулайшинна хьунссия цИуллусса чувнан КИра-шанна шарсса ду-цинсса ихтияр шариаьтрал фатва-лийну цаьк дурнура ритарча.

ХИусман Сулайманов, менед-жер:

– Бигьанна жаваб дулушши-ву, КИра шарсса дуцин ччис-са адаминахъ цИухха, вила бутгал дурцуну ччивав куну.

Гулханум Мирзаева, ишба-жаранчи:

– Агъа, циван кьадуциви. Му яла бюхъу бакъама, царагу ядан кьахьанайма икИайхъа КИра ду-цинна тИий сукку хьунугу. Ссах яданна кувкун, думуний гьаши-ву дурну, Аллагьнал кумаграй-ну тИий. Цува шарссанил яул-лай унува, цамургу ччай. КИра шарссанил цува кьутай ивтун яул-лан. БацИула, КИра дурцуминнал, Шусса шинал байран цумур кул-патраву дувайривав?

Патимат РАМАЗАНОВА

Подписка — 2025

Ххирасса

«Илчилул» буккулт!

ЧИЧАРА ККАЗИТ

Баян буллаи буру най душиву 2025 шинайнсса

«Илчилул» подписка!

Федерал почталийх:

● шинайнсса – 1066 кь. ● дачИи шинайнсса – 533 кь.

Дагьепчатрайх:

● шинайнсса – 504 кь. ● дачИи шинайнсса – 252 кь.

«Почта России» сайтрайхчин:

<https://podpiska.pochta.ru/press/П7046>

● дачИи шинайнсса - 533 кь. ● зуруйсса - 89 кь.

Редакциялийхчин Дагьусттаннал дазул кьатИув:

● шинайнсса - 2800 кь. ● дачИи шинайнсса - 1400 кь.

ХХИРАССА ЛАК!

Лахьхьияра, ишла буллаияра жулва миллатрал ххазинану хьанахьисса бюхттулсса лакку маз. КИулну бикИияра, маз бакъахьурча, миллатгу бакъашиву, маз миллатрал гьану хьанахъ-ишиву.

Му гьанулий лакрал тарихрал, маданиятрал, багьу-бизулул бюрнардай бацИан бусса КИаланну бавхИусса ххазинарттава ца яла чара бакъамурну хьанахьиссар миллатрал «Илчи» кказит-гу.

Зулгу, жулгу бишлахиссар ябуцан бан кьашайсса цавай тун-нурду. Миллатрал лишанну хьусса «Илчи» кказитрал чИарав бавцИуну ккаккан дан хьунтИиссар Ватандалухьса ва миллатрах-сса ччаву.



Адабиятфал
лаҗини

МИНКАИЛ АБЛИЕВ

Кинттул

Гъавалувух хІаллих
КІуту тІий най бур,
Лехлай накъичирттай,
КІяла марххала,
Миннул бястлий-ччаллий,
Ттислай ва къукълай,
Лухччинийх чачунгу
Дарай лахлай бур.

КъюлтІсса художниктал
Чъавхулттал бакІрах,
Къаламу бакъанма,
Сурат дуллай бур.
Дякъл зевлул чІурдал
Жура-журасса,
Музыка бакъанма,
Макъан дуцлай бур.

Щарашал пашманну
СсихІру ласлай бур.
МикІирал нехругу
ЧІувин дурну бур.
КІинтил замгъарданул
Азгъунсса хъару,
Чачун тІитІин дурну,
Ччимур буллай бур.

ОьрчІру, кув санкардай,
Кувгу конькардай,
Илкинну, сант дунийх,
Ччехру бигълай бур.
КІинтил тІабиатрал
Ххуйшивурттая
Цайхва цала бутІа –
БачІу буллай бур.

САЛИМАТ КЪУРБАНОВА

Замгъар

Замгъар бур, замгъар къатІув,
Къукъу даркъуну гъарзад.
Гъи дур жунний, къатлуву,
Гъили дурну гъарца зад.

Арцул зябру бавкъуну
Чъавхулттив бур чІолуну,
КъатІув замгъар къювуну,
Къушлий пач агин хъуну.

Нигъ дакъари дякъия,
Дуланмагъ гъасса дуну,
ДукърахІанттил къаллуву
ХІан дур хъамаран хъуну.

Ккамала курчІу оьлил
Къуму чуллу, дурцІу дикІ...
ХІачІи, гъалмагъай, хІачІи
Гъалмахшарнил дукърахІан.

Мюрая чугур ласи,
Къинс битлай, аьтІи бува,
Ччаврил гъи дакІнин дутлай,
Замгъар хъамабитан ба!

АБАЧАРА ХІУСАЙНАЕВ

КІи дядирзун махъ

Къунну Къилвалухату
Гъилисса хІукъу бувккун,
Лухччи ва ссав цукунни
Ца яну-кІукІлу хъунни.

Баргъ къабий ратІувсса
НякІ микІирал дагъани,
КІилчин дази къагъанну,
Жири-жири дагъунни.

ЦІушинайнсса Чарххана



Дюхлай бур ппал къарихъул,
Ккур тІий бур чІуллух зукри,
КкурчІав нахІу хавардай
Гъили бувну бур къужри.

СсунтІ чавай, тІанкІ учавай,
Ттиринт бишлай бур къунча,
Ниттил маз бивтсса ттарал
ЦІай тІий дур танил бурхІай.

Валтгъух хъи ликІавай,
Щях ссан ришлан бикІавай,
Бугъа бур хан-паччахІ ххай,
«Бу-у...» тІий, байгъин къашавай.

Шяравух дурккун найсса
Оьлуркъу щинал ратІру,
Баргъ ялату лагайхту,
Ду-дунийра тартунни.

БяшкІанттуя кІунтІа тІий,
Дарссуну дагъавайсса
Зюрукъяйндадул шути
КІиккура микІ ларчІунни.

Арив, зунттуй, зунчалу
ЧантІ учавай дур тІутІив,
СсунтІа тІий бугъа буна,
Интнил къанкъ ттун ришлай дур.

БАДАВИ РАМАЗАНОВ

Кинттул

Бухвалагавай бур баргъ,
Ятин хханссар жула баргъ,
Ургу, зунттугу ххал ба,
Магъи хханссар марххала.

БакІуй бавцІун бур вяркъу,
Ганин дакъарвав дяркъу?
Нагу дакъин дав чана,
Гъунттий ччеххулийн гъанна.

Жу дарсирайн бачиннин
Дадалгу дувай дукра,
КІинттул канан буччиннин
Интту бугъайссар гъанна.

АБДУЛ МИРЗАЕВ

КІинттулгу щюллисса мурхъ,
СсунтІлгу щюллисса мурхъ,

Даиман щюллинмасса
Ттул ттарлил мурхъ, ттарлил мурхъ:
Ина мурхърав, юхссагу
Щюллинна чІалачІисса,
Мурхъирайн кІура дарсса
Ттул уздан оьрчІшивурав?

АБЛИ АЙДАЕВ

Бухху, ххирамур, бухху

Бухху, ххирамур, бухху
Ва ттул рухІ-ссихІравун,
КІукІлу-кІяла марххала
Зунттал зунчавун кунма.

Бухху шяв шун бувасса
МарцІсса гъарал кІунтІ кунма,
Ссавруннай цІуну лавхъсса
Нурданул чирахъ кунма.

Мажнуннул асардаун
Аьрав душ Лайли кунма,
Идавсил оь-ттурчІавун
Ххадижат-бархху кунма.

МарцІсса гъарал кІунтІ кунма,
Агар ина буххарча,
Хъу хъуну, духччи хъуну,
Хъувух бивхъун зананна,

Агар ина буххарча,
Нурданул чирахъ кунма,
Марч къашун, дяркъу къашун,
КъюкІливу кІану банна.

Агар ина буххарча,
КІяла марххала кунма,
Барзунттал занчу кунма,
ХъачІрай бивтун ябанна.

ССУГЪУРИ УВАЙСОВ

Чъавахулттих дяркъу дур.
Чъавахулттих марчру бур.
Ттупру, ттупангру битлай,
Чъавахулттих дяъви бур...
Чъавахулттил вив тІурча,
ЛяличІисса гъавас бур:

Арс увсса ххаришиврул
Ца зунттал чув къавтІий ур.

ДАНИЯЛ МАГЪДИЕВ

Зунттал неххачІа Кинттул

Циванна къадиркІсса, вав-шав къатІисса,
Къумасса ратІаву ладикІлакІисса?
Ссаяра пахъ дагъсса, гъалак дакъасса,
Дякъл къия дирдив, муксса марцІ дурксса?

Бассанссар марххала зунттаву интту,
Инагу ликканссар микІирал гъухъа,
Бавма хІайран хъунсса балай, макъанну
Руцинссар цІунилгу чавхъ тІисса щатІал.

Гъинттул ина кунна, жагълний нагу,
Къаитлай икІайвав гъалаксса дакІнил,
Ттулмур гъи ларгунни щатІашал архІал,
ДакІгу, ина кунна, паракъат хъунни.

Инттугу учІанна вичІа щяйкІан,
ЩатІал дуцлацисса макъаннал чІуний.
Гъинттулгу учІанна, гъалаксса чІумал,
Ттула жагълшиву дакІнин дутаван.

МИЯСАТ ЩУРПАЕВА

Гъази-Гъумук кІи дур тІар

Гъази-Гъумук кІи дур тІар,
Марххалтту буллай бур тІар,
СсурхІиял Аминатту
Хъунбярних къавтІий дур тІар.

Нисирай ччатІру буллай
ЧчотІухъал Жари дур тІар.
Дуссухун ссигъри буслай
Гъухъаллал Кусу дур тІар.

Шадну бур тІар ВащІилу,
КІяла варсигу лавххун,
Занчру ттиликІрах бивтун,
ХъачІниха баргъ гъаз буллай!

Бургъл дурцІу кІи дур тІар,
КІичІирттаву зяв бур тІар,
КІурунна-БакІух оьрчІру
Гъуннарду дуллай бур тІар.

Аьзил-Зийлув чяр-чяр тІий
Замзамирал щин дур тІар,
Щирпилул цІу пачливу
СсувхІатру буллай дур тІар.

РУСЛАН БАШАЕВ

Пашмансса марххала

Ларзула чІалай бур марххала буллай,
Ттул шарнил цІияллу ссавнищІун дазлай.
КІива шярлугу бур хъюнил зункІуллай,
Цаннил зумату ца гъили ссихІ ласлай.

Бава дур къатталу нахъ дичлай оьллан,
Лянхъа тІий бур шилив хъарай уршагу...
Нава тІинийн дакІгу къадучІай мудан,
Мурадрал зуманив мур-мур тІурчагу.

Ттул ялув бартукъ бур, буттал къабивтсса,
Къабивтун бур ганал ва марххалагу.
Луллай, махъ къалякъай, гъивч кунма бивсса,
Буттал чайсса кунма, чаванна нагу.

Багълай бур марххала шарнил цІияллайн,
Заллу ивзун лавгсса ччитул шаттирдайн...
Дукканххурав чара ва дакІ эяллайн
Марххала куннасса зунттал кинирдай!



ХІАСАН КІУРУХОВ

* * *

Бишлай бур марххала ттул Чавахулттийх...
Къавтгий бур мурчавух дякыл шийтІантру,
Чуллай бур барзунтгай зунчардил чІултти,
КІучІ хъанай бур маЧІай рагІ-ккутІал картру.

Лершунни пачливу пашмансса къызу,
Лув лирчІунни ссавгу мурчал чІурдалу.
Вана цал уттигу кІинтнил дядизу
Вана цал уттигу ттул дакІ сурдалу.

Шинзирданий ккаччил бизарсса цІир-цір.
Хъирив шиллив чІугу, шийннив оьвтІисса...
Я Зал, лажиннича, ва оьрмугу цир,
Я ччаву, я къюву дакъа нанисса?

НАДИР ХАЧИЛАЕВ

На вичІан учІанна кІинтнил чапарну

Шайссарив ччавриша дакІ мурахас дан,
Цукссава лахъисса ххуллийх гъарчагу?
Нагу, зана ивкІун, вичІан ачинна,
Ссавния чІу буллай къурукъ бавчукун.

Хъахъи лавгсса чІапІал пашмансса шуршу
Ххурхху тІисса мурчал буцари байни,
На анавар хъунна, ина дакІнийну,
Ссавур кІюла дурккун бухъунссара тІий.

КІачІа ху лухччая аЦалахІинну
Хъювхъу тІисса ссавнил чІукІа чан хъуний,
На вичІан учІанна кІинтнил чапарну,
Ппорунтрайн къутІ тІисса чІагІаракІ куна.

МАХІАММАД ЦЕКЪИЕВ

КъабикІу

КъабикІу, матІра ттухъ
кІинтнил дякъия!
Ттун ччай бур гъалгъа тІун
шюлли хъхъирив,



Сураму К. Чугуевулу

мусил оьрчІшиврия,
чанна ччаврия,
ччай дур хъхъирил лагма
тІутІал хІашия.

КъабикІу, матІра ттухъ
ссутнил мурчая!
ДакІ аьчух дуваймур
Гъилисса гъия.
Ттун ччай бур гъалгъа бан
ххяххабургъия,
хиял гъуркку буллай
ларчІисса гъарая.

КъабикІу, матІра ттухъ
Хъунав шаврия!
Ттун ччай бур гъалгъа тІун
Жагылшиврия,
цІусса дунияллул
цІу оьрмулия,
цІуртгайн лехлахисса
жула читІрая.


СУЛАЙМАН ЧУГУЕВ

КІяла къавкъунна нагу

КІяласса караматрал
КІяла дунни дуниял,
КІяла къавкъунна нагу
Вил шаттирал чІу хъуннин.

Ва кІяласса тирхханну
Ххирассар тІий бакъаяв,
КІяла кІинтнил чІюлушин
Ххал дуван цан къабувкІра?

Хъюлчай тІийнма бур мурчай
КІяла арцул пиягъру,
Хханссар циняв марххала
Ттул дакІнин зизлазисса.



Адабиятрал
лажсин

Марці-кІяла марххалттанул
КІяла дунни дуниял.
КІяла къавкъунна нагу
ЧІу хъуннин вил шаттирал.

ПАТИМАТ РАМАЗАНОВА

Ливгъуну учІарчагу

Дяхъху. КъатІув – марч, дяркъу.
Буллайнмасса марххала,
Ттул тий-ший ликкай вяркъу
Шавай къанайсса ххалъа.

Давраннай кайп-шайп бача.
Тяхъану бутан оьрму.
Чяйрагу дизаннача,
Ливгъуну учІарчагу.

АБДУЛМАЖИД ИСМЯИЛОВ

ЦІусса шин

ЦІусса шин, цІусса кІюрх,
ЦІусса хаварду,
ЦІусса дунияллий –
ЦІусса балайрду.

Руртунни оьрмулул
Ца шинал чІапІи,
Цаннансса – шадшиву,
Гаманан – пикри.

Ца ур хъуна хъанай,
Ца – хъунав хъанай,
Цаннал шин дур дукІлай,
Цанная – лаглай.

ЦІусса шин, цІусса пиш,
ЦІусса марххала,
ЦІуну дурсса нузай
Духсса къункбула.

СПОРТ

Чемпионнал цІа ларсунни



Жамал киях

Вай гъантрай Къизилюртлив хъунни жяматийсса ишккакку
ВХІусман ХІажиевлул аьпалунсса республикалул панкратион-
далул тІиртІусса турнир. Шикку цалчинсса кІану бувгъунни жула
лаккуоьрчІал, 17 шинавусса Жамал Камилловул.

Жамаллуя жу хъхъичІвагу
чивчуссия, ванал ирглийсса
ххувшаву ларсъсса чІумал. Ва-
нал ппу Иса Ккуллал шяравасса
ур, нину Мадина Арчитусса.

Гъашину МахІачкъалаллал
29-мур школалий 11-мур классгу
къуртал бувну, ва увххун ур Дагъ-
устаннал университетрачІисса
профессионал колледжравун.


Панкратиондалул турнир
хъуннин хъхъичІгу Жамаллул
цалчинсса кІанттурду бувгъуна
Москавлисса ММА-лул, Сочи-
лий хъусса греплинграл бяст-
ччалаву. Мукум уттигъан-
ну ванал кІилчинсса кІану був-
гъунни Смоленскалий хъусса
ММА-лул дунияллул халкъун-
нал дянивсса соревнованьярт-
тай. Къиргъизнал, УзбакІнал,
Къазахъисттаннал, Белорусси-
янал, Азирбижаннал ва цайми-
гу СНГ-лул билаятиртгал спор-
тсментал гуртту хъаныхъисса
соревнованьярттай кІилчинсса
кІану бугъавугу хъуннасса ххув-
шавур. Уттигъанну Жамал къа-
мул уни греплинграл Аьрасат-
нал цачІундур командалувун.

Барча тІий буру Жамаллухъ
ххувшаву, мунияргу бюхттулми
шачІанттайнгу лавхъун ккак-
каннав оьрмулул ва спортрал
ххуллий.

Анриана АБДУЛЛАЕВА

ХъхъичІунсса кІанттурду бувгъунни

Уттигъанну МахІачкъалалив, Автомобильно-дорожный кол-
леджраву, хъунни 8-15 шин хъусса дуклаки оьрчІал дянивсса
каратэ-долул тІиртІусса первенство. Ва сакин дурну дия Дагъус-
таннал КІулшивуртту дулаврил министрствалул.



Шикку хъхъичІунсса кІан-
ттурду бувгъунни СВО-лул
гурттучи (позывной «Илчи»)
жула Жамалуттин Амирханов-
лул арснал ва душнил.

Сияна Амирхановал (10-11
шин) бувгъунни кІилчинсса кІану,
МахІаммад Амирхановлул (13-14

шин) – шамилчинсса кІану.
ДакІнийхтуну барча буллай
буру цивппа оьрчІругу, жула
хъинсса дус Жамалуттингу.

Мунияргу бюхттулсса ххув-
шавуртту ласлай ккакканнав.
ЦІуллушиву дулуннав.

Анриана АБДУЛЛАЕВА



ИТНИ, 30 ДЕКАБРЬ

06.00 Новости. 06.10 «Подкаст.Лаб». (16+).

приключения Шурика». (6+). 19.05 Х/ф «Бриллиантовая рука».

ТТАЛАТ, 31 ДЕКАБРЬ

06.00 «Доброе утро». 08.40 Х/ф «Золушка».

21.00 Новогодняя ночь на Первом. «30 лет вместе». (16+).

АРВАХИ, 1 ЯНВАРЬ

06.00 «Новогодний календарь». 07.05 Х/ф «Ирония судьбы».

20.00 «Три аккорда». (16+). 22.30 Муз. фестиваль «Голосащий КиВиН-2024».

ХАМИС, 2 ЯНВАРЬ

05.50 Х/ф «Финист - Ясный Сокол». 06.00 Новости.

(12+). 21.00 «Время». 21.35 Т/с «Арбатские тайны».

НЮЖМАР, 3 ЯНВАРЬ

05.45 Х/ф «Марья-искусница». 06.00 Новости.

19.05 «Фангастика. Следующий уровень». (12+).

ХХУЛЛУН, 4 ЯНВАРЬ

06.00 Новости. 06.10 «Подкаст.Лаб». (16+).

23.35 Т/с «Зорро». (18+). 01.05 «Подкаст.Лаб». (16+).

АЛХИАТ, 5 ЯНВАРЬ

06.00 Новости. 06.10 «Подкаст.Лаб». (16+).

РОССИЯ 1

ИТНИ, 30 ДЕКАБРЬ

05.25 Екатерина Вилкова, Евгений Цыганов, Максим Стоянов, Алексей Гуськов...

22.40 Сериал «Последний богатырь. Наследие». [6+]

ТТАЛАТ, 31 ДЕКАБРЬ

06.00 Антон Шагин, Павел Деревянко, Михаил Ефремов...

Максимова и Сергей Лавыгин в фильме «Чебурашка».

АРВАХИ, 1 ЯНВАРЬ

05.30 Комедия Эльзара Рязанова «Кавказская пленница».

20.00 ВЕСТИ. 21.00 ПРЕМЬЕРА. Милош Бикович...

ХАМИС, 2 ЯНВАРЬ

05.50 Александр Галибин, Анна Ковальчук и Олег Басилашвили...

Шаврин, Алексей Демидов и Александр Самойленко...

НЮЖМАР, 3 ЯНВАРЬ

05.50 Александр Галибин, Анна Ковальчук и Олег Басилашвили...

дмитрий Вдовиченков, Екатерина Усеева...

ХХУЛЛУН, 4 ЯНВАРЬ

05.50 Александр Галибин, Анна Ковальчук и Олег Басилашвили...

Ковальчук и Олег Басилашвили в телевизионной экранизации...

АЛХИАТ, 5 ЯНВАРЬ

05.50 Александр Галибин, Анна Ковальчук и Олег Басилашвили...



ИТНИ, 30 ДЕКАБРЬ

07.00 Время новостей Дагестана. Итоги. 08.00 Мультифильмы (0+).

05.15 Т/с «Новогоднее счастье» 3 с. (16+).

ТТАЛАТ, 31 ДЕКАБРЬ

07.00 Время новостей Дагестана. 07.20 Передача на табасаранском языке «Мил».

07.40 Х/ф «Тайна Снежной королевы. Сказка про сказку» 1 с. (0+).

ХАМИС, 2 ЯНВАРЬ

07.00 Передача на даргинском языке «Адамти ва замана».

07.40 Х/ф «Халкы ва замана» 1 с. (16+).

НЮЖМАР, 3 ЯНВАРЬ

07.00 Передача на аварском языке «Паланги памалти заманти».

06.30 Т/с «Жена олигарха» 6 с. (16+).

ХХУЛЛУН, 4 ЯНВАРЬ

07.00 Передача на дагестанском языке «Халкы ва замана».

05.20 Т/с «Гости из прошлого» 7 с. (16+).

АЛХИАТ, 5 ЯНВАРЬ

07.00 Передача на дагестанском языке «Халкы ва замана».

03.30 Д/ф «Тайна карт» «Мангуп-Кале» (16+).

АЛХИАТ, 5 ЯНВАРЬ

07.00 Передача на дагестанском языке «Халкы ва замана».



ИТНИ, 30 ДЕКАБРЬ

05.00 Т/с «Улыбки разбитых фонарей» (16+).

ациональной музыкальной премии. (12+).

АРВАХИ, 1 ЯНВАРЬ

04.55 Т/с «Аргентина». (16+).

ние расследования. (16+).

АРВАХИ, 1 ЯНВАРЬ

05.10 Х/ф «Кино про бандитов». (16+).

09.00 Х/ф «Ветер северный». (16+).

НЮЖМАР, 3 ЯНВАРЬ

08.20 Домисолька. Волшебство под Рождество.

16.20 Т/с «Вечный зов». (12+).

ХХУЛЛУН, 4 ЯНВАРЬ

04.30 Т/с «Медвежий угол». (16+).

Парикати. (12+).

АЛХИАТ, 5 ЯНВАРЬ

04.30 Т/с «Медвежий угол». (16+).

01.00 Х/ф «Ярость». (16+).

АЛХИАТ, 5 ЯНВАРЬ

04.30 Т/с «Медвежий угол». (16+).

Жижара



**МУРАДОВ
ХИАЖИМУРАД
ШИРВАНИНАЛ АРС**

Уттигъанну оьрмулдул 75 шинаву аьпалухъхун лавгунни шяраваллил жяматран бусравну ивкИсса ххаллилсса лаккучу, даврил уртактурал дянив хIурматрай ивкИсса хIаписар, Чапаевкалал шяравасса Мурадов Хиажимурад.

Увну ур Хиажимурад 1949-ку шинал Чапаевкалал шяраву. Майва классгу шиккувасса школай кьуртал буну, хъуни классиртаван Цуссалакрал дянивмур даражалул школай ивкIун ур. Школа кьуртал байхту, увххун ур Тгуплисулал аьралий училищалувун. Мунир шихунмай бигъа бакъасса аьралий пишалул ххулурду личИлицисса кIантурдайн багъну бур. Училище кьуртал буну махъ тIайла увккун ур Архмур Востокрайн – Хабаровскалал крайрайн. Шикку кьуллугъ буллай ххюра шингу дурну, увкIун ур Брестрайн. Шанна шинава шичча тIайла увккун ур Кубанавун. Тикку кьуллугъ буллай ивкIун ур 2 шинай. Яла Брестрайн зана хъуну, шикку зун ивкIун ур. Гихунмайсса аьраличунал ххуллу Мозамбикнавун багъну бур. Мичча цунилгу Белоруссиянавун увкIун, шикку кьуллугъ буллай ивкIун ур подполковникнал чиндалува пенсиялийн укканнин.

Хиажимурад ия чув-ухурчагу цала кьуллугърал бурж лайкьну бартбигълагьисса, низам ва тIайлашиву ххирасса, жаваблущинна дуса хIаписар. Ия цала калявшиндаралусса аьралитуррах аякъа дуса, чIарав ацIан хIадурсса.

Пишалул ххуллий ва лайкь хъуну ур личИ-личИсса наградтан.

Хиажимурад аьпалул шаврил кьурчIиву кIидачIлай, жижара буллай буру кулпатрахъ, оьрчIахъ, уссур-суннахъ, махъсса гъан-маччанахъ.

Алжаннул ххари аннав, рухI хъинний дишиннав, махъминнал оьрмурду лахъи баннав.

Чапаевкалал жямат

Баян

«Илчий» бишлашитекстру буссар укунсса багъра лагрулий:

укунсса жижара – 400 къ.


суратрачалсса некролог – 500 къ.

Вай гъантрай 95 шинал оьрмулду ахиратрал хъунни Ккуллал райондалий бусравсса СултанахIмадихъал МахIаммадул ва Хан-Исмялхъал ПатIиматлул арс Аьбид СултанахIмадов.

Аьбид увну ур 1929-ку шинал ЧIайннал шяраву савда-жарнал кулпатраву. Ва 1935-ку шинал лавгун ур ЧIайннал школайин. 1941-ку шинал, Буттал кIанттул цIанийсса Хъун дяъви байбишайхту, учительтал ва дуклаки оьрчIру аьрайн бувцуну, школа 10-мур классрал шаллу къавхуну бивкIссар. Аьбид 9 классгу хъинну ххуйсса кьиматирттай кьуртал буну, Ккуллал райОНО-рал тIайла увкксар МахIачкъалалийсса оьрус мазрал дарсругу дишайсса ряхва зуруйсса курсирдайн. Вай кьуртал байхту, Аьбидлул захIматрал ххуллу байбивхуну бур Къяннал 7 шинал школайин оьрус мазрал дарсру дихълай. 1949-ку шинал ТIурча 10 класс кьуртал бусса Аьбид, тIайла увккун ур Хъусрациял школайин оьрус мазрал дарсру дихълан. Ванал ххювардай школа кьуртал буну бухъувкун, школалул директор (аьпа баннав цал) АхIмадов Тахакъал маслихIат буну, ванахъхун дуллуну дур математикалул дарсру. Шикку зий 4 шингу дурну, Аьбид увцуссар РайОНОрал инспекторну, шикку зий унува, заочнайну дуклан увкксар ДГУ-рал физикалул ва математикалул факультетравун. Муния махъ 1962-ку шинал очнайну, марцIсса ххювардай кьуртал буссар университет. Вара шинал ивтссар ЧIайннал

Хъунмасса барчаллагърай дакIнийн утайма

«Яла хъхьичIунмур ххуйшиву – марцIсса дакIри»
М. Т. Цицерон



Аьбид СултанахIмадов

дянивмур даражалул школалул директорну. Ми шиннардий Аьбид МахIаммадовичлул бюхъу-хIарачатрайну цIуну буссар 6 класс бусса дуккавил корпус, мастерскойрду, школалул клуб, 70 оьрчIансса интернатрал къатри. Вай дурцири давурттан лавайсса кьимат бивцуну, ванан дуллуссар орден «Знак Почета».

1971-1984-ку шиннардий Аьбид зий уссия Ккуллал РайОНО-рал хъунаману. Вай шиннардий буссия Хъусрациял шяраву школалул цIусса корпус, Ккуллул цIусса корпус ва

школалул мастерскойрду, Ваччав - 7 класс бусса учебный корпус, Хъун ЦувкIрав ва Шийшав - корпусу, ПIаннул ЦувкIрав - интернатрансса къатри, Цушаннив - учебный корпус, Хъусрациял шяраву 260 дуклаки оьрчIансса классру бусса къатри бацIан буссия.

Аьбид МахIаммадович райОНО-рал хъунаману зузисса шиннардий райондалул школардай дия цIакъсса захIматрал низам, дуклаки оьрчIан куртIсса кIулишувуртту дулаврил чулухуннайсса тIалавшиннагу, учительтурал чулухасса хъуннасса жаваблущивугу. Хъусрациял, Ккуллал, 2-мур ЦувкIуллал, ЧIайннал, Вихъуллал школарду шала республикалийсса хъхьичIунминнул сияхIрай буссия. Вай шиннардий мукъийла гьарзану медальду ларсъссар райондалий дуклаки оьрчIал.

Райондалул бакI дургъуминнал 1984-ку шинал, бюхъу-гъунар бусса сакиншинначи ушиврухлу, ва ивтссар ЧIайннал Шаххай Маккаевлул цIанийсса колхозрал председателъну. КIира шинава колхоз хъхьичIунну зузиминнул сияхIрайн лархъссар.

Цумур шяравун гьарчагу, цинявннал Аьбид хъунмасса хIурматрай, «Жула Аьбид» тIий,

бусраврай хъунаакъайва. Ва ия чаннасса дакIнил, марцIсса пикирилул, ларайсса тарбиялул заллу.

Ванал дурсса давурттан лахъсса кьимат бишлай, 1958-ку шинал «РСФСР-данул просвещенныйлул отличник», 1974-ку шинал «ДАССР-данул лайкь хъусса учитель», 1992 шинал «ДР-лул просвещенныйлул отличник» тIисса цIарду, 1995-ку шинал «ДР-лул Госсоветрал ХIурматрал грамота дуллуссар.

Ххаллилсса мархрайри ккаккиялунсса ахъулсса шайсса. ХIалимсса кулпатраву Аьбидлул ва Ашриплул, хъуни буну, дуккин буну, оьрмулул ххуллийн бивчуссар буттахъал аслийсса мяърипатрай тарбия увсса 3-гу арс.

Лавгунни Совет заманнул яргсса учитель, миллатрал лайкьсса арс, ЧIайннал шяраваллил тIарцIну ивкIсса СултанахIмадхъал (КишибухIанхъал) МахIаммадул арс Аьбид... Хъуннасса кьурчIиву кIидачIлай, дакIнийхтуну жижара буллай буру ванал арсурваврахъ Ширванинахъ, Аьзизайхъ, МахIаммадулхъ, арнал шарнихъ Зулмирахъ, уссил ва ссил оьрчIахъ, душваврахъ ва махъсса мачча-гъаннахъ. Увкуну бурхха Алишер Навои: «Къашайссар инсаннаша абадлий уттану личIан, амма уттарану цалла цIа къаритан бювхъумари талихIрал заллу». Бунагьирттал аьпа баннав, махъминнал оьрмурдай барачат бишиннав.

ЧIайннал жяматрал цIанияту Шалласу ШАЛЛАСУЕВ

ДакIний личIантIиссар чумартшиврийну ва чувшиврийну

Шяъван увссар 1954-ку шинал июльданул 7-нний. Ва оьрчIнийва ляличIину хъхьичIунливчусса, гьарчагу чулуха итхъяхъсса ия. Школагу лавайсса даражалый кьуртал буну, дуклан увххуна МахIачкъалалал шяраваллил хозияствалул институтрал ветеринар факультетрайн. Муния махъ Шяъван кьуллугъ буллай уссия Совет аьралуннаву. ЗахIматрал ххуллу байбивхъуна Къизлардал райондалийсса Урицкий цIанийсса хозияствалуву. Шикку ккаккан бунна Шяъваннул цува даву ххуйну кIулсса, лавайсса даражалул пишакар ушиву. ХъхьичIунсса ветеринар-хIакин хIисаврай вана чяни бавна райондалул ва республикалул ветеринарный управлениярттал хъуниминнал.

Ризкьилул тагъар яларай дагълан дикIайхту, хъхьичIунсса хIакин хIисаврай Шяъван учIан увну ивкIссар райондалул кIинттул ризкьий ябувайсса Бакресливсса захIматсса ветучастокрал хъунама хIакинну. Шиккугу захIмат ххирасса Шяъваннул, ризкьичиталгу лагма лаган буну, даву нирхивавун руртуна. Ванал цIа шалагу республикалий хъхьичIунсса хIакин хIисаврай кIицI лаган бивкIуна. Ванал хъуннасса аякъа дия хIухчалтрах. ХIарачат буллай ия миннал лайкьсса шартIру дузал дан, къатта-къушлил, лаххиялул

Уттигъанну, захIматсса цIуцIавриша ххассал къавхъуну, ахиратравун лавгунни ххаллилсса лаккучу, миллатрал иширттавух чялишну гьуртту шайсса, чумартсса чув-адамина, Ккуллал шяравасса Шайхлул арс Шяъван Оьмаров.



Шяъван Оьмаров

шаллу бан.

Ванал ризкьичитурара дуллаллсса аякъа чIалай, вихшала бунна Кочубейливсса шалагу зоналул ризкьичитал шаллу буллаллсса дахху-ласулул базалул хъунаманал кьуллугъ. Шанна шинава ивтуна ТтурчIардия иникIма дувайсса заводрал директорну. Шяъван ия чIивинийва захIматрал къадру кIул хъусса инсан. Заманалу лавхъхъуна агъуна бизнесрахун. Дагъусттаннай цалчин ванал шуруци бунна цува ва цала кулпат ПатIимат заллусса столовый. ХIарачат, бюхъу-бажар

бусса Шяъван ивтуна «Ризкьичи» тIисса хIукуматрал идаралул хъунама директорнал кьуллугърай. Миккугу Шяъваннул хъуннасса даву дурссар. Шалагу республикалул шяраваллил хозияствардайн диян дурссар ХIукуматрал кумагран итадакълакьисса хъус: иникIма, качар, ккурма, бензин ва м.ц.

Му дия Чачаннавух поездру къазаназисса, ххуллу къувкъусса чIун. Цайнна дирхъусса вихшала Шяъваннул лавайсса даражалый шаллу дурна. Давриву хъхьичIунну ушивруцIун, Шяъвания гьарцаннал чIарав ацIангу, ка-кумаг бангу хIадурсса, агъалинал иширттачIагу дугърину ацIайсса гьалмахчу.

2002-2008-ку шиннардий Шяъванну вихшала дурна Ккуллал райондалул агъалинал Дагъусттаннал Жяматийсса Мажлисрал депутатшивугу. Лайкь хъуну ур Миллатирттал Дусшиврул, ЗахIматрал ЯтIул Тгугълийн орденнан ва цаймигу медальлан.

Акъахъунссар Ккуллал райондалул шархъаву Шяъван къакуллусса инсан. Ахиратравун гъаннин ва ливчIуна «Жяматрал машгъурса депутатнугу», дунияллийсса Халкъуннал дакъаврил ва дусшиврул академиялул

вакилнугу.

Шяъван къанкъа-къурчIисса, сивсусса жагъил ия. Студент чIумал лачIун уккавил гьунар бусса Шяъваннун ца бьстччалливу лачIун уккан багъуна Германиянава увкIсса Олимпий чемпион Отто Вебердушал. Цалчинмур разряд дуса Шяъваннун бучIиссар ттушал данди уккан тIисса Отто, дакIгу гьаргъун, ванал гужирай махIаттал хъуну лавгссар. 2002-ку шинал Шяъван гьуртту хъуссар Марта жазиралый хъанахъисса оьрмулул бугъара хъусса спортсментурал бьст-ччалливу. Ка дишаврил ва самболул спортраву дунияллул чемпион хъуссар. Дагъусттаннай уттинин Шяъваннушал ка дирхъуну ххув хъусса къаувкксар.

Ва хъуну ур самболул кIийла чемпион, Дунияллул халкъуннал спортрал мастер, Дагъусттаннал ва Аьрасатнал армрестлинграл спортрал чемпион. Яла гужма кади хъу хIисаврай, гьарица шинал ванал цIанийсса турнирду дайссар жула республикалий.

Шяъван дакIнийн утлатисса кьурчIисса ххуттардийну ванал гьунардаят, дурсса давурттаят шаллуну бусан къахъунссар.

Шяъван дакIний личIантIиссар чIавучин цала уздансса, чумартсса тIуллайну, жяматрал ва мачча-гъаннал ялу дакI цIуцIисса гьалмахчуну. ХIайп, къаивтунни цала дуллаллсса давуртту кьуртал дан.

Вил бунагьирттал аьпа баннав, алжан нясив баннав. Вин къабуллумур оьрму кулпатран, оьрчIан ва цинявппагу мачча-гъаннан булуннав.

Ккуллал жяматрал ккуррандалул вакил АьбурахIман МАХIАММАДОВ

«Ас-Салам» кказитрал 30 шинал юбилей



Мероприятие дайдирихуна МахIачкьалаллал Хьун мизитрал мудун МухIаммадаьрип МахIаммадовлул Мубараксса Кьурандалул сурарду буккаврия. Энрик Муслимовлул, Дагьустаннал бакIчи Сергей Меликовлул цIания бавтIциригу барча бунну, кIицI лавгуна кказитрал хьунмасса бутIа бихьлахьшиву, республикалий бакъа, шалва Аьрасатнавугу дин-мяррипат лахьхийн даврил ххуллий. Айна ХIамзатовал бунсунни, цуппа ва кказитрай зузисса ппурттуву цуку-цукусса

Декабрьданул 21-ний МахIачкьалалив, Дусшиврул кьатраву, «Ас-Салам» кказитрал 30 шинал юбилей дунни. Ваний гьурту хьунни национал политикалул ва диндалул иширттал министр Энрик Муслимов, Дагьустаннал муфтинал хьиривчу МухIаммад МахIаммадов, муфтинал маслихIатчи Айна ХIамзатова, динийсса ва жяматийсса ккураннал вакилтал.

захIматшивуртту диркIссарив давриву. Бахшишуру дуллунни кказитрал циняв редактортуран.

ДакIнин буган, шалвагу Аьрасатнал лагрулийсса «Ас-Салам» кказит 1994-кусса шиная шинмай дуняллийн буккайссар. Цуппагу 13 мазрай итабакъай-

ссар. Бусанна вай гьантрай ва кказитрал подписка даврил хIасиллу дулла, цалчинмур кIану бушиву Лакрал райондалухь. Укун подписка хьхийчIуннай шаву хьунама редактор ачIи лаккучу ушивруцIунгу бахIлай бур даврил уртакьтал. Кказитрал хьунама редактор ХIасан

МахIмудовлул нину Карашатусса дур. Лакку мазраймур кказитрал редактор ур Ися Оьмаров, ванаю жу бувьссья «Илчилий».

Жугу дакIнийхтуну барча буллаи буру «Ас-Салам» кказитрал редакциялул коллектив ва буккулт, хаснува лакку мазраймур кказитралми. Вайгу жуцалва архIал ниттил маз ябаврил ххуллий хьар ларьссса уртакьтал бухьувкун. Ча тIий буру давриву тIайлабацIу ва цIу-цIусса хьхийчIуннайшивуртту!

Патимат РАМАЗАНОВА

ХIакьину, билаятрай захIматсса тагьар дусса ппурттуву, аьлтту хьанай бур унгу-унгусса патриотьтал. Жула инсантал ка-кумаг бан хIадурсса бушиву цимилгу исват хьунни Украиннал аьрщарай нанисса хасьсса аьралий операциялу-ву гьуртту хьанахьисса аьралитуран буллалисса ихIсандалул кумаграйну. Дазу-зума дакъа-сса дур халкьуннал дакIурдил сахаватлушиву ва чумартсса тIуллу.

Украиннал аьрщарай хасьсса аьралий операция байбивхьуня шинай, аьралитуран кумаг булла, чIарав ацIлай ур МахIачкьала шагьрулул 49-мур школалул директор Абдулкарим Айгунов.

Вай гьантрай Абдулкарим увкIунни хасьсса аьралий операциялий гьуртту хьанахьисса аьралитуран гуманитар кумаг ва дуклаки оьрчIал чулухасса ссайгьатру биян бунну. Ва ххуллухсса пала чулухасса кумаг бунни Луганскалал Халкьуннал Республикалий, Курский ва Белгородский областирдай аьралий

Аьралитал ххари бунни



буржру бартбигьлагьисса «Каспий» тIисса Дагьустаннал цалчинсса добровольствалул батальондалун.

Аьралитурал ххарину хьунаавкьунни чья-ччяни гуманитар кумаг лавсун учIайсса Абдулкарим Айгунов. Ванал

аьралитурачIан диян дунни захIматсса шартIирдаву аьркин дагьайсса кьай-кьуй: медикаментру, дуки-хIачIия, чани бан ишла дайсса оборудование, сувенирду ва дуклаки оьрчIал чивчусса чагьарду.

Абдулкаримлул «Каспий»

батальондалул командир, полковник Табир Маликовлул лавайсса даражалий аьралий буржру бартбигьаврихлу Барчаллагьрал чагьар буллунни.

Аьралитурал бувккунни МахIачкьала шагьрулул 49-мур школалул 3-мур классрал дуклаки оьрчIал чивчусса, асар хьунсса чагьарду.

Командирнал барчаллагь увкунни аьралитурара аякьалийсса Абдулкаримлухь ва ванал гьалмахтурахь.

Абдулкарим Айгуновлул ва ванал гьалмахчу МахIаммад Халидовлул хасьсса аьралий операция наниссаксса хIаллай цимиллагу тIайла бувккун бур аьралитурансса кумаг.



ХIакьинусса кьини Абдулкарим ва ванал гьалмахтал кунмасса, чумартсса инсантурал дуллалисса давурттан багьа бакъассар. Укунсса вирттал жула аьралитурал махь буссаксса, ххувшаву ласунсса вихшалагу ххишала хьанай дур.

Имара САИДОВА

МАХIАЧКЪАЛА

Гьавалул тагьар

ГЪМУЧИ



Газета «Илчи» (Вестник)

Учредитель: Агентство информации и печати Республики Дагестан

Издатель: ГБУ РД «Этномедиахолдинг «Дагестан»

Хьунама: Юсупов А.Гъ. Тел.: 65-00-25

Хьунама редактор:

Кьардашов Р. Аь. Хьунама редакторнал хьиривма: Башаев Р.М. Жаваб дулайсса секретарь: Исмяилова С.Р.

Редколлегия:

Адамов АьбдурахIман МахIаммадович Аьбдуллаев Сапарбаг Аьлиевич Аьлиев ХIажи Сулайманович Исрапилов Артур Анварович КьурбанмахIаммадов Чанкура Рамазанович Маммаев Сулайман Нурагьтинович МахIаммадов Юсуп ХIамидович Хаппалаев Аслан Юсупович Хасаева Гульшан Рамазановна ХIажимирзаев Зиябуттин Абсупиянович Шалласуев Шалласу Рамазанович Эльдарова Роза ХIажиевна

Отделал редактортал:

Аьбдуллаева А. П. Аьдилов ХI. А. Рамазанова П. ХI. Тахакьаева З. К.

Корреспондентьтал:

АьбдурахIманова З. Т. Аьлиева Б. Д. Саидова И. А.

Корректор:

АхIмадова А.И.

Кказитрал компьютерданул цех:

Абакарова К. Н. ХIажиева З. У.

Кказитрай дурксса макьаларттаву кIицI лавгмур тIайлашиврул жаваб дулайссар чивчуманал. Редакция макьалалул залуннал пикрилий рязину бакъахьурчагу, макьала рищайссар, жяматрал цаламур пикри бусанссар тIисса ниятрай. Кказитрайн дуркIсса макьаларттайн рецензия кьачичайссар ва ми залуннахьхьун зана кьадайссар.

Кказит буккайссар ножмардий цал. Шинай итабакъайссар 48 номер.

Кказитрал индекс. П7046 Тираж – 2000 экз.

Адрес редакции и издателя: 367018, г. Махачкала, пр-т Насрутдинова, 1а e-mail: ilchi@etnomediadag.ru http://ilchi.info Тел./факс. 66-00-59

Газета «Илчи» зарегистрирована Управлением Федеральной службы по надзору в сфере связи, информационных технологий и массовых коммуникаций по РД. Рег. ПИ № ТУ 05-00424 от 30.04.2019

Газета «Илчи» отпечатана в типографии ООО «Издательство «Лотос». 367018, РД г. Махачкала, Пр-т Насрутдинова, 1а Срок подписания в печать 19.00. Подписано 19.00.

Цена свободная



4 651116 280051